

## Hende grandi mester espacio pa recrea y pa diferente actividad



**Pagina 3**

- **Estudiante di 16 aña mata na scol**  
**Pagina 8**
- **Ortega ta expulsa Comision Inter-americano Derecho Humano**  
**Pagina 6**
- **Messi ta gana su di 5 Balon di Oro**  
**Pagina 18**

## Parlamento a sigui cu presencia di Ricardo Croes



**Pagina 2**



**Pagina 7**

**Desaparicion di pueblo pa fenomeno geologico**



**Pagina 14**

**Merca ta cera hoben migrante di forma masal**

## Reunion den Parlamento a sigui hasta cu presencia di Ricardo Croes



**ORANJESTAD – Ayera a wordo trata e presupuesto di prome minister di asunto general, Evelyn Wever-Croes. E tabata e delaster ministerio pa loke ta trata presupuesto 2019.**

E ley aki, cu ta reporta un entrada stipula un deficit financiero di 25 milyon florin (0.5% di nos GDP) a wordo sometí na votacion prome cu parlamento ta baha cu reces diabierna awor. E tabatin alrededor di 15 mocion cu a wordo entrega, cu a wordo sometí na votamento y tambe e ley mes. E tratamento di e minister di Asunto General, Innovacion y Energia a sosode despues cu diabierna ultimo, den oranan di merdia, e reunion pa tratamento di presupuesto 2019 a keda suspendí pa varios ora, debi cu no tabatin quorum.

### Coalicion t'ey

Ayera nos por a mira cu tur miembronan di e fraccionnan cu ta sostene gobierno tabat'ey. Te hasta e unico miembro di e fraccion di RED, cu no a presenta mas for di diabierna ultimo, tabata t'ey. Parlamentario Ricardo Croes no a raporta mas na parlamento despues di un discusion fuerte –te hasta cu nan propio colega nan di coalicion– rond di

legalisacion of depenalizacion riba uzo di cannabis. Segun sr. Tjon, e miembronan di e fraccionnan di coalicion lo t'ey pa tur reunion cu lo tuma luga prome cu reces.

Pa resolve e situacion aki – y mirando cu oposicion a abstene di atende e reunion– fraccion di MEP mester a bay busca parlamentario Daphne Lejuez, prome cu e ta aborda e avion hunto cu su famia pa bay Hulanda di vakantie. Mientras cu otro miembro di parlamento, Ricardo Croes (RED), kende ta sostene e gobierno di coalicion, tabata ausente eventualmente pa kebrante di salud.

Lider di fraccion di MEP a declara na e matutino aki cu e mes no sa nada di un eventual impasse rond di e topico di uzo di cannabis medicinal cu e parlamentario di RED. “Nos no ta wak niun impasse. Sr. Croes t'ey awe. Mi ta kere cu el a recupera di su salud, y esey ta algo positivo,” el a bisa. Sr. Tjon a laga sa cu despues cu diabierna nan colega di coalicion di RED, Ricardo Croes no a presenta na parlamento te ayera. Sinembargom nan no tabatin niun reunion personal pa aclaria e asunto aki.

### 'Wega politico'

Lider di fraccion di MEP, Rocco Tjon a declara na Bon Dia Aruba cu tur dia e tratamento di presupuesto 2019 a bay bon, pero si nan tabata seccion hopi largo. E ta haya cu e nivel, tanto di nan mes como di oposicion, tabata bon pa trata e ley aki. Sinembargo, loke sr. Tjon lamenta ta e situacion cu a surgi diabierna ultimo, cu a haci cu e deliberacion no por a sigui, debi cu no tabatin e mayoria exigí di e mita plus 1 –kiermen 11 parlamentario minimo– pa sigui cu e reunion y menos pa aproba niun ley.

E lider di fraccion di MEP a cualifica esaki como un ‘wega politico’ cu a wordo haci di parti di oposicion pa frustra e eficiencia y continuacion di e reunion. E por busca cierto argumento di e fraccion di oposicion cu

MEP a yega di haci mesun cos den pasado. Si partido MEP a yega di haci esaki den pasado, e parlamentario aki tampoco e ta hay'e bon, ya cu e ta diferencia su mes di e actitud aki. Sr. Tjon a indica cu su fraccion ta integra pa 8 parlamentario nobo, lagando un banda sr. Juan Thijsen como presidente di parlamento, ya cu den su funcion e no ta debati.

E ta hay'e lamentabel y te hasta ‘infantil’, pasobra na final di dia e ta costa placa pa pais Aruba, debi cu hopi profesional mester keda overtime, polis mester keda traha te laat debi cu e reunion a keda tranca pa casi cuater ora. E ta haya esaki innecesario, debi cu a pesar cu e parlamentarioman di coalicion, Lejuez y Ricardo Croes no tabata t'ey, tabatin parlamentario sufici-

ente presente.

Pero esunnan di oposicion a nenga di drenta den sala di parlamento, y no tabatin quorum. Por cierto, sr. Tjon ta considera cu un punto cu sigur nan lo bay traha otro aña tin di haber cu e adaptacion di e reglanan di ordo di parlamento, ya cu e ta hopi anticua, entre otro pa atende cu e discusion rond di quorum.

El a declara cu si oposicion tabata contra di e ley di presupuesto, nan por a drenta sala di parlamento pa sigui debati, y splica dicon nan ta contra dje. “Pero no djis keda sin bin den sala pa frustra full e proceso di e reunion.” El a agrega cu nan tabatin palabracionnan haci cu oposicion pa medio di un comision.



## Rudy Leysner di Fundacion Movimento ta Bida

# “Hende grandi mester espacio na Aruba, pa recrea, pa diferente actividad”

**ORANJESTAD – Un persona activo ta un parti importante di un estilo di bida saludabel na tur edad. Pero mientras un persona ta bira mas bieu, su musculonan ta bira mas debil, nan ta sinti mas dolor y nan tin posibilidad pa cay y pa haya lesionnan.**

Varios estudio a revela hopi aspecto di e proceso di envehecimento, manera e dificultad pa haci movicion. Cuminsa un programa di ehercicio tambe ta un bon idea pa mehora calidad di bida y tene un persona den un ambiente mas social.

Durante un entrevista cu Bon Dia Aruba a haci cu Rudy Leysner, presidente di Fundacion Movimento ta Bida, y cu Azriah Palm cu ta boluntario di e fundacion, nan a splica con nan a cuminsa cu e idea di crea programanan di movicion pa hende grandi na Aruba.

Rudy Leysner a duna di conoce cu el a traha 30 aña pa gobierno, y tin hopi conocimiento den e tereno di recreacion y deporte; e tabata director di e departamento di ‘Sports For All’ y for di ey nan a cuminsa e parti di canamento pa haci hende mas consciente di canamento y su importancia, e parti di actividad fisico en general.

Despues cu el a sali di su trabao pa motibo di pension, el a comenta cu el a dicidi di dedica su mes na haci algo pa comunidad. Asina el a cuminsa dedica atencion na e gruponan cu ta mas den necesidad, manera el a expresa “e grupo cu ta hopi lubida” especificamente e grupo di hende grandi di mas di 50 aña y 60 aña.

Leysner a bisa cu nan a crea varios actividad den diferente bario di Aruba, cada aña nan ta promove dia 16 di april cu ta Dia Mundial di Actividad Fisico desde 8 aña pasa, nan ta afilia na e Red di Actividad Fisico di America (RAFAPAN) y Rudy Leysner ta miembro ehecutivo.

A traves di esey e fundacion a adkiri mas conocimiento di actividad fisico, y di investigacion. El a expresa cu e dia ey ta e dia cu “nos mester bira mas consciente di nos salud”. Nan ta promove esaki bisando cu “ehercicio ta un remedi.”

Leysner ta conta cu e actividad cu nan ta haci pa diferente bario cu hende grandi a duna basta conocimiento di con por traha cu hende grandi y tambe e parti social. E programa ta consisti di 12 siman parti den 3 ciclo di aña, dunando oportunidad dos biaha pa siman cu actividad fisico cu terapeuta specialisa, parti social, bailoterapia y tambe e parti di lectura of otro actividad cu ta concerni envehecimento activo.

Den e parti aki, el a expresa cu nan a siña hopi den e aspecto ey; e programa ta traha hunto cu boluntario, e fundacion ta duna e guia na nan y actualmente nan por cuminsa traha nan mes.

El a sigura tambe cu nan a haya peticion di otro bario pa haci e programa pa hende grandi, pero e fundacion no tin e fondonan pa haci esey, pa motibo cu nan a haya fon-

donan di Samenwerkende Fondsen di Hulanda pa 3 aña so; despues di esey e programa ta termina y nan como fundacion mester busca fondo pa sostene e fundacion.

Segun Leysner, tur e miembro y boluntarionan di e fundacion ta haci trabao cu amor y pasion “mi ta kere cu e ta un necesidad masha grandi mes pa hende grandi.” Tambe cu “hende grandi ta asisti na e programanan cu hopi motivacion y alegria, pa motibo cu nan ta busca algo pa haci.”

Un proyecto cu e fundacion tin pa otro aña yama “Bida Activo ta Bida Largo” unda nan lo bay celebra dia mundial di actividad fisico. “Mientras mas bo ta inverti den bo estilo di bida, mas lo bo haya un miho calidad di bida mañan.” Tambe nan lo bay haci Bailoterapia y Yoga den Centro di Bario di Noord.

Tambe nan lo bay sigui cu e

‘Caminata den Naturalesa’, pa motibo cu tin hende ta gusta cana pa conoce Aruba y su naturalesa. “Nos hendenan ta bin pa cana un poco mas lihe pero tambe tin hende cu ta cana mas slow y nan ta wak e bunitesa di Aruba.” E fundacion ta organisa e caminatanan na Parke Arikok, Bushiribana y Ayo Rock Formation. “For di esey nos a ripara cu hopi hende di Aruba no conoce nan propio pais.”

El a comenta cu pa otro aña e fundacion lo bay asisti na e reunion di RAFAPANA na Mexico, na september, y tambe nan lo kier haci dos curso pa certifica e profesionalnan cu ta traha den salud. E curso ey ta consisti di haci actividad fisico prome cu e persona bay tuma medicamento pa un malesa cronico, pa nan por wak con e persona por recupera. “Si bo por duna nan un actividad fisico durante un periodo di 3 luna pa nan haci

tur dia, bo ta bay weita cu bo ta bay baha sucu, presion, tur cos.” Si esey no ta funciona nan lo recomienda e persona pa haci un combinacion di ehercicio y remedi.

E otro curso lo trata ‘Prevenscion di Caida’; esaki pa motibo cu e ta un problema grandi mundialmente. Ora e persona yega cierto edad hende sa cay kibra heup, y di ey nan por keda drumi; esey nan lo kier preveni cu e ehercicionan.

Rudy Leysner a splica cu “hende grandi mester di un espacio na Aruba, un lugar cu nan por bay pa recrea, pa haci diferente actividad.”

Pa finalisa el a sigura cu hende mester keda activo pa resto di nan bida, asina e persona por gosa mas di su behes; hopi hende ta yega cierto edad y nan ta kere cu esey ta e final, mientras cu na e momento ey nan mester gosa nan bida.



*Jose Tromp di Mary Joan Foundation:*

## ‘Tin cu drecha e sistema di cifra’



**ORANJESTAD – Bon Dia Aruba a tene un entrevista cu Jose Tromp di Mary Joan Foundation. El a splica cu na Aruba su sistema no tin control adecua pa locual ta trata e pashentnan cu cancer.**

Sr. Tromp a corda un caso di un meneral cu no ta registra na Aruba, cu tin cancer di pecho. El a tuma tratamento di afo. E ta continua splica e meneral aki a acerca e fundacion cu berguensa. “Su tratamiento ta bayendo bon, pero e no kier a sali na publico y

bisa cu e tin cancer. A yega di papia cune wak si e kier, pero e ta keda un situacion dificil.”

E ta bisa cu nan tin speransa cu un dia un homber lo para dilanti y bisa sin miedo cu e tambe tin cancer di pecho. Pero cu na momento e situa-

cion ta dificil pa muhe admiti di tin e malesa, pues mescos pa hende homber.

Sinembargo, pa locual ta control, sr. Tromp ta bisa cu ‘lamentablemente nos ta un isla cu symposium oncologo tabata tin un problema enorme pa haya cifra’. E ta bisa cu e informacion cu nan tin no ta conta tur e pashentnan cu tin rond di Aruba. “No tin un control adecua pa cu esaki. Nos ta uzando fechanan di 2012/ 2014 na Aruba, papiando akinan di cancer en general.”

Segun sr. Tromp e ta remarca cu ta importante pa por duna cifra di pashentnan cu tin cancer. Pa motibo cu si no duna cifra, nan no por sigui cu e trabou manera mester como fundacion, ‘nos mester cifra actual’.

Algo cu sr. Tromp si kier a aclara, ta cu e situacion aki no ta pasa na Aruba so, pero pa motibo cu ‘nos ta un isla chikito’ e por ta mas facil pa controla locual ta cifra di pashentnan. “Nos sistema mes ta duna pa esey. Fundacionnan no ta traha hunto, e doctor di cas no ta traha hunto, internista y specialista tampoco. Ta importante pa sa ki tipo di cancer e pashent tin of ki tipo di medicamento e pashent tin cu tuma.”

Sr. Tromp ta agrega cu na final, e pashent ta esun cu ta sufri. E ta fastioso, pero e ta spera cu e dia lo yega unda ‘tin claridad, y pa e control ta manera mester ta.’

Algo cu nan ta pasa duro den dje pa locual ta pashentnan, ta e negligencia cu nan ta haya

ora di bay busca un trabou. E ta bisa cu e ta un problema cu tin, y ta trece cu e pashent tambe ta bay atras, pa motibo di cu nan ta nenga nan pa por traha.

Sinembargo, den caso cu nan ta wordo nenga pa trabou, famia of amigonan por causa cu e persona por cay den depresion of afecta e parti mental mas di locual ta wordo afecta pa e malesa. “Nos tin un trahado social cu atende cu problemanan asina, den caso cu e ta casonan mas pisa, e ora dokter tin cu mand’e un psiquiatra. Un psicologo si nos por mand’e directamente. Pero nos manera fundacion ta guia e cliente pa locual e tin cu haci, of e stepnan cu e pashent tin cu tuma.”

Nan ta conseha si pa muhenan y hende homber, si nan sinti algo straño, pa check cerca nan dokter, of pa nan por haci nan mamografie cada año. Di e forma aki por detecta na tempo y por haci e trabounan necesario pa e cancer no sigui crece.

Sr. Tromp a finalisa ta bisa cu e pashent mas hoben cu tin registra cerca nan tin cancer cu 21 año di edad. Nan sa si cu tin un mas hoben di 18 año cu tin cancer di pecho, pero nan no ta registra na nan fundacion.

Nan meta como fundacion ta pa sigui crece den evento y pa sigui yuda esunnan cu a sufri of ta sufriendo di e malesa di cancer. Pa comunidad di Aruba tambe por yuda nan y hunto por haci cambio na pashentnan cu tin cancer.

**Caribbean Speed Printers N.V.**

**BONDIA ARUBA ARUBA TODAY**

*Ta Anuncia*

Relaciona cu Celebracion di Pasco di Nacemento

Ta participa cu lo NO tin edicion regular di Bon Dia Aruba y Aruba Today riba diamars 25 y diaranson 26 di december.

Pa e motibo aki ta haci un suplica na tur esunnan cu ta desea di publica aviso den Bon Dia Aruba y Aruba Today pa dialuna 24 y diahuebs 27 di december, pa por fabor entrega esakinan na oficina no mas tarda cu diabierna 21 di december prome cu 5or atardi

**Gerencia**



**Editor**

Caribbean Speed Printers N.V.  
 Aruba Bank N.V. Acc. #332668  
 Caribbean Mercantile Bank N.V.  
 Acc. #23951903  
 RBC Royal Bank Acc. #1330772

**Ass. Dir. Ehecutivo**

Xiomara Arends

**Redaccion Ehecutivo**

Leo Maduro (hefe di redaccion)  
 Esther Kiks-Martinus (redactor ehecutivo)  
 Nicola Gonzalez (redactor ehecutivo)  
 Pilar Flores (redactor ehecutivo)

**Redaccion**

Benjamin Romero  
 Kenna Hernandez  
 Andreina Morillo

**Departamento Digital**

Cristian Soto Garcia

**Ehecutivo di Benta**

Sulaika Croes  
 email: sulaika.croes@cspnv.com  
 Marijke Croes-Luidens  
 Linda Reijnders

**Aviso y Arte**

Sandra Loefstop  
 Lisa Tromp  
 Shannon Geerman

**Administracion**

Mariette Engelhart  
 Martha Arteta de Ariza  
 email: accounting@bondia.com

**Distribucion**

Jenny Kelly

**Recepcionista**

Rachelle Danje

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
 Pablo Libre

**Press**

Roland Schenker (Hefe)  
 Omar Ramirez  
 Martin Boekhoudt  
 Francis Dirksz

**Colaboracion**

Yakari Gabriel  
 Associated Press  
 Ret Karibense  
 Upload Media Aruba

**Afiliacion**

Sociedad Interamerica  
 di Prensa (SIP)

**DIRECCION**

Adres: Weststraat #22  
 Tel: 582-7800 / Fax: 582-7044  
 Email: noticia@bondia.com  
 aviso@bondia.com  
 Website: www.bondia.com  
 Facebook: @bondianoticia  
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



# Editorial

## CON GRANDI NOS PROBLEMA...

### *Di refugiado Venezolano ta?*

Mientras cu na Hulanda e preocupacion pa e fluho di refugiado na e "e islanan" ta parce grandi, cerca nos mes, cu ta un di e "islanan" no ta observa tanto interes pa e topico. Pregunta cu ta surgi ta si ta e Hulandesnan ta exagera atrobe o ta nos ta asina despreocupa cu nos no ta ni considera esaki un tema di debate. E motibo pakico tin debate na Hulanda ta pasobra nan a haya un rapport di e Alto Comisionado di Nacionannan Uni pa Refugiado (United Nations High Commissioner for Refugees; UNHCR) cu ta e plan yama Regional Refugee and Migrant Response Plan (RMRP), cu UNHCR a traha den colaboracion cu 95 organisacion di 16 diferente pais involucra.

Den e informe aki ta presenta e expectativa cu e fluho di migrante Venezolano lo bay crece substancialmente. Mientras cu ta calcula e fluho riba un 3,3 miyon te awor, esaki por bira dos miyon mas, segun cifranan di UNHCR y e organizacion mundial di migracion (International Organization for Migration; IOM). Tin hasta calculacion mas halto cu ta surpasa 8 miyon persona (di Brookings Institute), algo cu mester spera cu nunca lo pasa, pasobra lo ta un desaster pa e pais y pa su bisiñanan. 8 miyon ta casi 25% di e poblacion total di Venezuela, y pa un gran parti ademas e hubentud cu ta bandona nan pais en busca di un miho futuro.

Y experiencia di otro paisnan ta muestra cu semper tin un parti considerabel di e refugiadonan cu nunca ta bolbe nan pais, y nan yiu y nietonan mucho menos. Por ehemplo, nos tin e caso di e exiliadonan Chileno cu a sali masalmente di nan pais despues di e golpi di estado di Augusto Pinochet na 1973. Esaki a percura pa un diaspora di diesmiles di Chileno cu a plama den henter Europa, di Spaña te Suecia, y di Hulanda te Austria. Hende ta cria raiz na e lugar unda nan ta bay y hopi di nan a bira ciudadano Europeo.

Bolbiendo na e tema, y contemplando e pronostico aki, ta dificil pa calcula di antemano kico lo ta e efecto pa e islanan. A pesar di esey UNHCR a calcula cu actualmente lo tin un 147.000 refugiado na Curaçao, Aruba, Trinidad & Tobago, Republica Dominicana y Guyana hunto. Pa fin di otro aña esaki por yega na 220.000 persona. Loke ta keda falta ta naturalmente e parcialnan pa pais. En todo caso, ta pensa cu pa atende e grupo aki riba e islanan

menciona mester di 35 miyon dollar, di e total di 738 miyon dollar cu mester pa atende henter e grupo riba continente.

E problema pa e caso particular di e islanan, laga nos limita nos na Aruba y Curaçao, ta cu segun autoridadnan no tin cifra confiable di e cantidad di hende di Venezuela riba e islanan aki. Esey ta un argumento cu ta tende hopi mientras cu nos tin nos dudanan cu gobierno no tin cifra mas exacto. Comparti esaki cu publico y prensa ta otro asunto; nos ta kere cu esey ta e problema. Pakico nos ta bisa esey? Pasobra nos tin suficiente conocimiento di e aparato gubernamental incluyendo inmigracion pa sa cu un gran parti di e migrantenan, no di Venezuela so sino di tur pais, no ta drenta via lama, pero simplemente via 'porta dilanti' cu ta aeropuerto y ta keda atras ora nan tempo permiti vence. Esey no ta un practica di awor pero di hopi aña caba. E tin su logica tambe: pakico bay risca bo bida den un boto, si bo por cumpra un ticket di avion, bin como turista y keda atras. Ta esnan cu no por drenta via e porta dilanti ta recurri na e biahe den un boto. En principio gobierno tin na su disposicion anto tur informacion basico di esnan cu a keda atras despues cu nan periodo di turista a vence. Sin embargo, si gobierno kier comparti esaki si of no, ta keda e hecho principal cu tanto gobierno di Aruba como esun di Hulanda no ta mira e fenomeno di tal magnitud cu no lo por maneha esaki. Gobierno di Hulanda no a gusta mes cu recientemente den parlamento a cuminsa bin mas preocupacion a base di entre otro e rapportnan menciona. Pa gobierno Hulandes, e caso ta uno di persona ilegal, un asunto di admision cu e islanan - autonomo - mes mester resolve.

E pregunta ta keda, unda nos ta para awe. Ta asina cu nos tin algun mil Venezolano, dies mil, diescincio mil, o mas? Nos no ta bay specula cuanto nan por ta, aunke nos ta kere si cu semper tabatin un par di mil por lo menos, na cualkier momento den e ultimo 20 añanan. E cifra por bien ta entre 5 y 10 mil actualmente. Esaki tin consecuencia? Nos lo mester por nota esaki riba mercado laboral, pero cu un aparato asina deficiente manera nos tin ta dificil pa haya un miho bista. Pero tin mas. Tin un sector informal grandi di hende cu ta haci tur sorto di 'odd jobs', di core taxi ilegal te drecha cas y cura. Y ta ken ta emplea nan, sin puntra nada...?

## Venezuela: Embahador Ruso a nenga cu ta bay instala base militar



**(NTN24) – Embahador di Rusia na Venezuela, Vladimir Zaemskiy, a nenga cu su pais lo ta planifica instalacion di un base militar na e isla La Orchila.**

“Mi ta sigura cu esaki ta un di e cosnan inventa cu ta aparece den prensa di Rusia den ultimo dianan aki, di Rusia y di otro paisnan, e noticia ta di un supuesto plan, mientras cu bo sa, cu constitucion Venezolano ta prohibi e instalacion di cualkier tipo di base militar, asina ta cu specula riba e tema aki, ta parce mi un wega no hopi limpi,” el a expresa.

Pa motibo di e rumornan cu a genera na Colombia pa e presencia di e bombardero Ruso riba teritorio Venezolano, e diplomatico a manifesta cu ‘nan no mester tin miedo’.

“No ta trata di ningun provocacion, Rusia hamas tabatin plannan di domina mundo en general of algun area regional en particular, p’esey no tin ningun peligro desde e punto di bista di e intencion di gobierno di Rusia, den loke ta referi na e relacionnan cu otro pais,” el a sigura.

El a destaca cu di banda di

Rusia, ‘nos ta dispuesto pa desaroya relacion di amistad cu tur pais di mundo y esey ta loke nos ta haci cu Venezuela’.

Vladimir Zaemskiy a splica cu e obhetivo di e ehercicio militar y e vuelonan den conhuntito cu a ser realiza siman pasa na teritorio Venezolano, ‘tabata sigui exactamente un practica normal, di rutina cu tur e paisnan tin cu mantene un cooperacion militar’.

El a recorda cu varios avion a bishita teritorio Venezolano prome na aña 2008 y 2013, ‘esaki ta un practica normal’.

## Nicaragua: Ortega ta ordo expulsion for di CIDH

**(ElPais) - Presidente Daniel Ortega a ordena ayera e expulsion di Nicaragua di e Comision Interamericano di Derecho Humano (CIDH), un organismo di e Organizacion di Estadonan Americano (OEA), cu a denuncia violacion grave di parti di e regimen contra esunnan cu a manifesta pa exige e renuncia di e presidente despues di 11 aña den poder.**

E lider Sandinista tambe a decreta e expulsion di e Grupo Internacional di Experto Independiente (GIEI), cu tabatin planea pa presenta awe diahuebs e resultado di nan investigacion di e hechonan violento desde 18 di april, dia cu e protestanan a cuminsa.

CIDH a documenta minuciosamente violacionnan

di derecho humano na Nicaragua a traves di e asina yama Mecanismo Especial de Seguimiento para Nicaragua (Meseni) conforma pa un ekipo tecnico cu a yega na Managua na luna di juli y cu lo mester a keda mientras e situacion lo a rekeri esey, manera e organismo a señala den un comunicado. E organizacion a presenta na mita di aña un amplio informe den cual a documenta minuciosamente e violacionnan di derecho humano y den cual a alerta tocante e posibel ehecucionnan extrahudicial despues di e uzo di francotirador durante e represion di e manifestacionnan.



## Cuba: Ta kita matrimonio di mesun sexo di propuesta pa Constitucion



**(CubaNet) - E comision cu ta elabora e propuesta pa un constitucion Cubano nobo, a elimina e articulo cu lo a habri porta pa matrimonio homosexual, despues di hopi oposicion contra e asunto aki durante e debatenan popular encuan to e cambionan pa haci na e Magna Carta, cu a tuma luga durante tres luna.**

Den esakinan e topico aki a acapara mas atencion cu tur. Mayoría di e opinionnan recoge tabata negativo pa e cambio di constitucion aki.

“E Comision ta propone cambia e concepto di matri-

monio, es decir, pa e sali di e proyecto di constitucion, como forma di respecta tur opinion. Matrimonio ta un institucion social y huridico. Ley lo defini e resto di elemento,” parlamento Cubano a informa riba su cuenta na Twitter.

E propuesta inicial lo a modifica e concepto di matrimonio den e actual constitucion (di 1976), unda ta defini matrimonio como e union entre un homber y un muhe, cu lo a keda substitui pa e texto: “union entre dos persona cu capacidad legal pa esaki,” sin especifica genero.

E cambio constitucional cu

a propone a trece un avalancha di discusion na Cuba, cu campaña intenso di parti di e comunidad LGTB, pero tambe di iglesia catolico y evangelista, e ultimo aki cu cada vez mas miembro na e isla. Durante e debatenan popular e tema aki a acapara 66% di e tempo den e reunionnan. A recopila 192.408 opinion al respecto, di cual 158.376 a propone “substitui e propuesta pa esun vigente caba.”

E proyecto di ley nobo lo bay den votacion diabierna venidero den Asamblea Nacional y despues di ta aproba, lo ser sometido na un referendum di 24 di februari 2019.

## Colombia: Desaparicion di un pueblo Colombiano pa fenomeno geologico

(Infobae) – Na parti nort di departamento Nariño un poblacion di 2.500 habitante a keda completamente hundi, causa pa e condicionnan geologico di e zona, cu ta situa na e cordillera occidental. Asina fuerte e movimiento di tera tabata cu el a provoca e desaparicion completo di e pueblo, cu awor ta existi solamente riba mapa di e pais.

Desde 2015 e tera a cuminsa habri, y tabata crece masha

lihe cada dia. Asina durante tres aña mientras e vivienda y otro structuranan a keda destrui. Hernando Chindoy, un ex-habitante di e bario cu tabata yama Aponte, ta conta.

E fayonan geologico y movimiento di placa tectonico a obliga e habitantenan di Aponte pa bandona nan cas y cuminsa construi un hogar nobo. E geologo Alberto Nuñez a splica cu loke a sucede na e parti aki di e Macizo Colombiano.

“E piedranan ta kibra, awa ta yobe, awa y e mal maneho di e tereno ta haci cu e tera ta los y ta bin e fenomeno di erosion unda e masa di tera ta laba bay y ta hiba e casnan,” el a splica. E desaparicion di e prome casnan a laga 56 famia damnifica, cu a haya albergue na e shelter temporal. Na esakinan a uni 184 mas, cu a ricibi un ayudo pa paga huur.

E poblacion tabata conforma den su mayoria pa un comunidad indigena yama Wakikamas, den nan dialecto ta ni-



fica “guardian di tera”. Awor nan lo traslada nan pa otro zona conoci como Quinque y Cuzcungo, unda a realisa

estudionan di riesgo pa determina si ta un zona stabiel pa evita cu e situacion lo por ripiti.

## Mexico: Plan conhunto cu Merca pa Centroamerica

(Infobae/AFP)- E canciyer Mexicano Marcelo Ebrard a presenta e plan cu Merca pa trata di enfrenta e crisis migratorio den cual e region ta pasando.

Gobierno di Mexico y Merca a anuncia e acuerdo cu cual nan lo destina den e proximo cinco añanan US\$ 35.600

miyon pa desaroyo di e frontera sur y na Centroamerica. Ebrard a indica cu e acuerdo aki “ta refleha e importancia cu ambos pais ta duna na nos relacion bilateral, como tambe e espiritu di cooperacion” cu ta existi entre e dos paisnan.

Den un mensahe na medio di comunicacion, e secretario di Relacion Exterior a detaya cu

Mexico lo inverti US\$ 25.000 miyon cuminsando na 2019; di su parti Merca a compromete pa otorga US\$ 5.800 miyon pa “promove esfuerco di reforma institucional, bon gobernacion y desaroyo economico na Guatemala, El Salvador y Honduras” por medio di inversion publico y priva. Tambe Merca lo otorga US\$ 4.800 miyon, den esaki

2.000 miyon pa proyecto apropiacion na frontera entre e paisnan.

Finalmente, Ebrard a bisa cu pa e prome trimester di proximo aña lo convoca un cumbre empresarial cu participacion di representante di sector priva Mericano, Mexicano y internacional, cu e objetivo di explora y aumenta e oportunidadnan di inversion

y negoshi na e pais, cu special atencion pa region sur di e pais, y e Triangulo di Norte. E declaracion di gobierno Mexicano ta bin algun dia despues cu e presidente Mexicano a papia via telefon cu su colega Trump, unda a papia tambe di un plan conhunto pa creacion di empleo na Mexico y Centroamerica.

## Venezuela: Exilio por subi te mas di 5 miyon den 2019

(ElNacional/ABC) - Escasez di cuminda y medicamento lo ta un mescla explosivo cu a impulsa e migracion forsa di Venezolano pa exterior, den un intento di evadi e crisis cu a maltrata nan hogar. E hiperinflacion sin limite y un sistema di cambio di placa cu ta aumenta tur dia ta otro di e motibonan di e ciudadanonan pa sali di e pais, segun e diario Spaño ABC.

Di acuerdo cu e cifranan di e ultimo informe presenta pa e Agencia di Nacionnan Uni pa Refugiado (Acnur) y e Organizacion Internacional pa Migracion (OIM), ta contando caba mas di 3.300.000 Venezolano cu a busca refugio den 16 pais di Suramerica y Caribe, di cual 460.000 ta

mucha y adolescente. Ademas e investigacion ta calcula cu pa aña 2019 e total di Venezolano exilia por yega na 5.3 miyon, un exilio cu por bira mas grandi cu e crisis na Siria, cu den seis aña tabatin 6.3 miyon persona desplaza.

E cifra di 5.3 miyon ta bira ainda mas alarmante, tumando na cuenta cifra presenta pa Brookings Institution, un centro di investigacion Mericano, cu ta bisa cu e exodo Venezolano por yega hasta na 8,2 miyon, incluyendo 3 miyon reparti riba henter mundo.

Si e pronosticonan di e instituto Mericano resulta berdad, Venezuela lo keda bashi, perdiendo por lo menos 25% di su habitantenan den un o dos aña. Un situacion crea pa

presidente Nicolas Maduro, cu no por a frena e hiperinfla-

cion, ni por a enfrenta e crisis politico y humanitario cu e

nacion ta sufriendo.



# ANUNCIO!

Banco di Caribe kier informa cu  
Diabierna, dia **21 di december 2018**,  
nos lo cera pa publico for di 3’or di atardi

Nos disculpa pa cualkier inconvenencia  
cu esaki lo por causa

Management di Banco di Caribe



**BANCO DI CARIBE**

## Un celebracion di Pasco unico entre Aruba, Corsou y St. Maarten

**DEN HAAG – Na Cas di Aruba a tuma luga recientemente un celebracion di Pasco pa e empleadonan di Arubahuis, Curaçauhuis y St. Maartenhuis. Pa prome biaha den existencia di e tres Gabinete di Minister Plenipotenciario, a bin cu e idea pa den un ambiente di Pasco estrecha e lasonan mas ainda entre e empleadonan, y asina trece mas harmonia bou di e tres paisnan.**

Minister Besaril a yama tur hende bon bini na Arubahuis y a bisa di ta orguyoso di ta e anfitrión di e prome celebracion di Pasco bou di e tres casnan. “Un bunita iniciativa cu ta reflecciona e bon cooperacion cu ta existi entre Cas di Curaçao, Cas di St. Maarten y Cas di Aruba.

Ya caba e ministernan plenipotenciario tin bon deliberacion cu otro pa loke ta trata asuntunan comun, y esey a crea mas union entre e tres paisnan. Y awe nos tur a bin cerca otro pa demostra e hermandad cu ta existi bou di nos poblacion.”

Tanto minister plenipotenciario di Curaçao Anthony Begina como minister plenipotenciario di St. Maarten Jorien Wuite, a gradici nan colega Arubano pa e hospitalidad. Nan tambe a muestra riba e sentimento comun pa cooperacion mutuo, y nos tur mester para keto na e hecho cu nos ta comparti hopi cos cu otro, manera ta e caso di historia y cultura.

E potretnan ta cortesía di Cas di Aruba



## Corte Hulandes ta mantene prohibicion riba mas tienda pa turista

**DEN HAAG (AP) — E corte administrativo mas halto di Hulanda a mantene un prohibicion di municipalidad di Amsterdam, riba tiendanan nobo den e centro historico di e ciudad, cu ta bende producto especificamente pa turista.**

E decision di Raad van State ta un victoria grandi pa e capital Hulandes, den su intento pa mitiga efectonan negativo causa pa e cantidad grandi di bishitante montonando nan cayanan. E corte a bisa cu e prohibicion riba tienda nobo pa turista



den downtown Amsterdam, cu a drenta den vigor luna di october 2017, no ta viola reglanan di Union Europeo.

E prohibicion tin como meta pa para e plamamento di tiendanan cu ta bende productonan manera keshi y souvenir, cu ta dirigi casi exclusivamente pa turista. E municipalidad ta argumenta cu nan ta dañá e ciudad pa e residentenan local.

Miyones di turista ta bishita Amsterdam tur aña, hibando na trafico pisa den nan cayanan estrecho, y na kehonan di e residentenan.

## Estudiante di 16 aña mata na scol



**DEN HAAG (AP) — Un estudiante femenino di 16 aña di edad, a wordo tira cu un arma di candela dilanti su compañeronan di scol, den e parkeer di bicicleta diamars, segun polis.**

Un sospechoso di 31 aña di edad a keda aresta poco despues di e tiramento na e scol, cual a keda identifica pa medionan local como Rotterdam Design College.

Polis a bisa den un declaracion cu e victima, y e sospechoso masculino kende a wordo aresta como dos kilometer leu di e scol, tabata conoce otro, pero no a duna detaye di nan relacion ni un

posibel motibo pa e asesinato.

Un cantidad di persona, incluyendo studiantenan, a presencia e atake, vocero di polis Yvette de Rave a bisa noticiero nacional NOS.

E tiramento a pasa menos di un siman despues cu muhe Mericano, estudiante di psicologia, a wordo hinca mortalmente den su apartamento. E sospechoso den su asesinato a wordo aresta siman pasa.

Posesion di arma ta altamente restringi na Hulanda, y mayoria di tiramento cu ta tuma luga na e pais ta conecta na disputa di poder entre gruponan criminal.



## Abogado consehero a bati bel di corrupcion na RdK

**PUNDA — Actualmente, tin tres funcionario di Refineria di Korsou poni riba lista inactivo, y tin tur indicacion cu nan no lo tuma accion contra e decision aki. Ta trata aki di hombernan inicial K., C., y v. K.**

Hunta di comisario a instala un comision pa investiga profundamente e situacion. Segun un relato di VigilanteKorsou, e principal sospechoso den e caso ta v. K., kende ta e persona cu pone un contracto riba mesa di negociacion, y purba me-

nasa e compania en cuestion cu mester firma e contract manera e ta. Den e contracto, tabata stipula cu lo duna un 'consultant' un suma di 5 miyon florin, incluso un cuota riba cada bari produci. Esaki tabata conta cu aprobacion di funcionarionan cu posicion halto den seno di RdK. Pero tambe den e reunion tabatin un abogado, fam F., kende tambe ta traha cu gobierno den cuadro di Corporate Governance.

F. tambe tin un relacion cercano cu prome minister Eu-

gene Rhuggenaath, y mesora a bati bel cerca dje tocante e suceso durante negociacion. Rhuggenaath a tuma contacto cu Clift Christiaan, kende a bisa di no ta na altura di e suceso.

Despues di e reunion, e contracto corrupto cu v. K. a purba di forsa riba e compania en cuestion a wordo haya den un oficina na RdK. Ministerio Publico tin un carta di Rhuggenaath informando nan di e situacion, esaki sr. Rhuggenaath mes a splica parlamento.



## Ryanair kier despedi tur su empleadonan basa na Hulanda



**DEN HAAG – Aerolinea economico Irlandes, Ryanair, a haci entrega di un peticion oficial pa despedi tur su personal na Hulanda. Esaki pa motibo di e prestacion economico pover di e compania, segun union di piloto Hulandes, VNV.**

E peticion awo ta wordo revisa pa e agencia di empleo di gobierno, UWV, kende lo mester dicidi si e peticion di

redundancia ta wordo argumenta debidamente, segun un relato di dutchnews.nl.

November ultimo, Ryanair a cera su sede na Eindhoven y a despedi 16 personal di cabina na e aeropuerto Hulandes, unda pilotonan a bay den accion di protesta dos biaha e aña aki, relaciona cu cambianan den nan pensioen y otro beneficiacion. Sinembargo, e corte di distrito di Den Bosch a duna

orden na e aerolinea pa sigui paga nan salario y mantene nan training actualisa, pero a bisa cu e no tin autoridad pa blokia e ceramento di e sede.

Ryanair a responde door di skirbi un carta pa e pilotonan, dunando nan un escogencia entre reloca boluntariamente na un otro base, of wordo

haci redundante.

E aerolinea awo ta aplicando pa redundancia masal.

**FOR ALL YOUR FLYER DISTRIBUTIONS**



**Call: 582-7800**  
**email: [accounting@cspnv.com](mailto:accounting@cspnv.com)**

*Paseo Herencia*  
**Christmas SHOPPING**  
*Nights*  
**Extended Opening Hours**

**DECEMBER 14 & 21**  
Gaita Las Unicas  
**DECEMBER 15**  
Los Paranderos  
**DECEMBER 16 & 23**  
Muchanan di Mama Rosa  
**DECEMBER 22**  
Gaita Melodia  
**DECEMBER 28**  
Group di Betico  
**DECEMBER 30**  
Rincon Boys

Paseo Herencia Shopping Mall - J.E. Irausquin Blvd 382

# Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM  
PASA LAGA BO AVISO NA OFICINA DI BON DIA ARUBA WESTSTRAAT #22**

**SERVICIO PUBLICO**  
PC specialist ta drecha laptop, desktop, elimina virus, riba OS Linux, y Windows tur version  
Tel. 561 2545/561 1761

**SERVICIO PUBLICO**  
Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman

**SERVICIO PUBLICO**  
ta yuda busca cas pa compra of huur  
Tel. 563 1449

**SERVICIO PUBLICO**  
Bo mester servicio di Coaching Politico PR, Marketing efectivo !  
Na un bon prijs? anto tuma accion y yama Mr. Dirk  
Tel. 583 7192

**TA BENDE**  
un trailer di 30 pia pa 21.500 (taxatie 33.000)  
un trailer chiquito pa 5.200.  
Tur dos pa 25.500  
Tel. 592 9246

**SERVICIO PUBLICO**  
Ta ofrece pa verf y chapi cura bon prijs. Nos ta hiba e sushi. Yama pa mas informacion na  
563 4828/5679610

**TA BENDE**  
Cuminda Criollo  
calco stoba cu arroz y banana, comcomber stoba cu rabo  
Deja Vu Cafe & Lounge  
Cayena Mall Caya G.F. Betico  
Croes 22  
Tel. 561 1089

**SERVICIO**  
Unified One Events  
Photos , films, wedding  
Tel. 749 2533

**SERVICIO PUBLICO**  
Psychic Riley let me help solve your problems in love marriage finance career and family with immediate results  
Call 001 747271 9899  
wyattearp14@sbcglobal.net

**TA BENDE**  
un cas na Rasmijnstraat, San Nicolas di 3 camber y 2 baño  
Afls.350.000 yama  
Tel. 593 6318

**TA HUUR**  
un camber full muebla, utilidades incluido. Madiki  
Tel. 564 1979

**SERVICIO PUBLICO**  
Buscando auto pa huur y na bon prijs? yama nos  
Tel. 593 9953/ 593 8453

**SERVICIO PUBLICO**  
Handyman  
pa tur trabou di verfmto, plumbing tuberia, chapi, limpieza di cura, drecha mata. contact.  
Tel. 568 3728

**SERVICIO PUBLICO**  
Barata Barata  
Nos ta chapi, lanta sushi, spuit veneno, corta mata, na bon prijs  
Arubiano balente  
Call 592 5766

**TA HUUR**  
2 bedroom suite  
Caribbean Palm Village  
22-29 dec \$1500  
Tel.585 4205

**SERVICIO PUBLICO**  
Master Nails  
Pa e miho servicio y experiencia den mantencion y atencion pa bo huñanan. Yama pa un cita  
Tel. 744 9214

**SERVICIO PUBLICO**  
Figuera Yard Service  
Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs

**SERVICIO PUBLICO**  
Construction  
remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs  
Tel. 593 3141

**TA BENDE**  
gordura di mushroom, bo compra 10 saco nos por delivery Fls.7.50 pa un  
Tel.594 2380

**GRATIS**  
Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc  
Tel. 561 4297 / 561 5179

**SERVICIO PUBLICO**  
Mi ta ofrece servicio di electricista, electricidad en general, problema cu corto circuito y mantencion  
Tel. 566 5026

**SERVICIO PUBLICO**  
Masaje relajante, sports masajes, aroma terapia, piedras calientes, reflexologia, faciales  
Sabana Basora # 157 P.Ch.  
Tel. 561 8520

**TA BENDE**  
set di mesa di comedor cu 6 stoel di palo puro cu su cashi prijs ta Fls.8.500 cu full set di tayo y glas. Situa na Santa Marta 12  
Tel. 564 4456/ 733 2542

**TA HUUR**  
Bachi pa tur ocasion  
Tel. 749 2533

**SERVICIO PUBLICO**  
Dama habla ingles ta busca trabou domestico sea part time of full time  
cu papel legal pa traha  
Tel:745 2568

**TA BENDE**  
un cama kingsize cu 2 mesa di anochi y 2 lampi  
yama Tel. 594 2698

**TA BENDE**  
Un Terreno propiedad di 801 m2 na Salinja / Moko pa Afl.144.180  
Tel.593 6318

**TA BENDE**  
Cadillac Escalade preto año 2007 prijs \$10,900  
Tel. 739 9191

**SERVICIO PUBLICO**  
Ta haci tur trabou di construccion y carpinteria y tur cos cu ta furamento di stul  
Tel : 746 0518

**TA HUUR**  
Apartment den vecindario di Pos Chiquito, full muebla pa max 2 persona  
Tel.592 6657

**TA BENDE**  
Nissan Almera 2010 low mileage, automatic  
Tel.593 7118

**SERVICIO PUBLICO**  
Se ofrece servicio de reparacion e instalacion de aires acondicionados Split e industrial tambien reparamos frigidaire, cuartos frios y fabricantes de hielo  
Tel. 600 0750

**TA BENDE**  
un set di 4 stoel cu su mesa di palo di Colombia di año 1950  
prijs ta 7000,=  
Lugar Santa Marta 12  
Tel.564 4456 /733 2542

**SERVICIO PUBLICO**  
recojemos todo tipo de basura (nevera, estufa, etc)  
Tel. 564 1979

**SERVICIO PUBLICO**  
Ta haci tur trabou di construccion y carpinteria y tur cos cu ta furamento di stul  
Tel : 746 0518

**TA BUSCA**  
un señora pa limpieza cu propio transporte, un bez pa siman AM of PM Paradera  
Cell: 587 2357

**TA HUUR**  
1 apartment full muebla camber, baño, cushina y sala. Entrada priva Fls.850 pa luna, coriente y awa apart. Madiki  
Tel : 593 0769 / 583 2034/ 593 3514

**TA HUUR**  
1 Studio entrada priva. dianan di fiesta of pa luna, semi muebla 1 pers Fl.475 p/m excl. Paradera (mester tin auto)  
Tel. 587 2357

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI  
MAS CERCA DI BO!**



**Yena aki bao e siguiente informacion**

**Telefon**

Number completo:.....  
Adres di entrega:.....  
Adres di cobranza:.....


**Pago Adelanta:**

3 Luna  6 Luna  1 año

- Cobranza na Cas.
- Cobranza na Trabao.
- Paga via Banco (Standing Order) Aruba Bank no:33266.8
- Paga Aruba Bank ABO ONLINE .
- Paga CMB ONLINE .
- Personal na oficina di Bon Dia Aruba.
- Pone den Box.
- Tira den Cura.

**Yama na telefon: 582-7800 of manda un email na [accounting@bondia.com](mailto:accounting@bondia.com)  
[www.bondia.com](http://www.bondia.com)**

# Fundacion Lanta Papiamento ta clausura exitoso Aña di Papiamento



**ORANJESTAD - Cu un anochi titula Tertulia 'Cosecha di 2018', Fundacion Lanta Papiamento ta clausura un exitoso Aña di Papiamento. E nochi literario y musical aki lo tuma luga mañan, diahuebs dia 20 di december, di 6or pa 8or di anochi na Biblioteca Nacional den Madurostraat.**

Pueblo ta invita pa bin celebra e logronan di nos idioma Papiamento den 2018 y pasa un rato ameno cu participacion di Jerry Franca, Rosabelle Illes, Dufi Kock, Benjamin y Ramon, Belén Kock-Marchena, Daniella Britt, autornan cu a publica den año 2018. Ademas por gosa di musica y baile di nos hobennan. Lo tin buki na benta, bar y cushina. Na entrada lo tin cahita feliz pa ricibi contribucion di esunnan cu kier sostene e actividadnan di Fundacion Lanta Papiamento.

Fundacion Lanta Papiamento (FLP) ta gradici Minister di Enseñansa Rudy Lampe y Minister di Cultura Xiomara Ruiz-Maduro pa a honra e peticion pa proclama 2018 como Aña di Papiamento, como cu den 2018 Papiamento ta celebra 15 año como idioma oficial di Aruba.

E acogida den comunidad tabata y ta grandioso. Den

año 2018 FLP tabatin hopi actividad grandi relaciona cu nos idioma Papiamento, entre otro Celebracion di Dia di Idioma Materno dia 21 di februari, Feria di Papiamento dia 19 di mei, Conferencia di Papiamento riba dia 26 y 27 di october, presentacion di 'E Caya di Monche' dia 29 di november. E actividadnan aki por a conta cu un publico masha grandi y entusiasmo. Banda di esakinan, FLP a coopera cu diferente actividad di Departamento di Cultura, manera Arte di Palabra y Poeta di Patria.

Importante ta e echo cu 2018 a bira un 'Aña di Papiamento', den cua nos por mira un crecemento di aprecio y respet pa Papiamento, un crecemento di e baloracion positivo di nos idioma, tanto den gobierno, como den sector laboral, den enseñansa y den comunidad. Cu e ambiente ta fertil awor pa Papiamento, ta keda demostra cu algun decision importante cu a keda tuma. Por ehempel, e decision cu Scol Multilingual lo keda introduci na tur scol na Aruba ta un paso increíblemente importante. Hopi hende den nos comunidad ta pidi pa mas curso di Papiamento, e sindicatonan a cuminsa publica nan CAO na Papiamento. Pero claro cu tin hopi cos mas cu nos kier mira realisa, por chempel, mas

uzo di Papiamento riba nos borchinan canto di caminda di propaganda y di trafico, bon uzo di Papiamento na radio y television, den corant y riba internet. Sinembargo, nos ta riba e bon caminda, esey ta sigur. Ta nos mes mester defende y sigui desaroya loke nos tin; ningun hende no ta haci e pa nos.

For di e espacio aki Fundacion Lanta Papiamento ta desea henter Aruba un Feliz Pasco y un Aña 2019 exitoso.

Fundacion Lanta Papiamento ta invita tur hende pa bin celebra cu henter famia awe, esta dia 20 di december, clausura di Aña Papiamento y Fin di año 2018 cu un anochi ameno. Nos ta topa na Biblioteca Nacional, di 6.00pm pa 8.00pm. Un boca bisa otro! Bini un, bini tur!



## SPECIAL ANNOUNCEMENT HOLIDAY CLOSING HOURS

In connection with the holidays our member banks will be closed for the public on the following dates:

Monday, December 24 <sup>th</sup> , 2018	All branches will close for the public at 12:00pm
Tuesday, December 25 <sup>th</sup> , 2018	All branches closed
Wednesday, December 26 <sup>th</sup> , 2018	All branches closed

En conexion cu dianan di fiesta banconan miembro lo cera nan porta pa publico riba e siguiente dianan:

Diabierna, 24 di december, 2018	Tur sucursal lo cera nan porta pa publico 12:00pm
Dialuna, 25 di december, 2018	Tur sucursal lo ta cera
Diamars, 26 di december, 2018	Tur sucursal lo ta cera

## Bringamento y homber corta na varios parti di curpa



**ORANJESTAD** - Dialuna anochi na un cas na Savaneta, pariba di isla di oro riba caminda principal, a sosode un problema entre dos homber y aki tabata tin machete den wega.

Den esaki, e agresor a zwaai machete y corta e homber na varios parti di curpa, tanto na su zij, garganta y man. Polis a yega basta lihe pa tuma dato y unidad di ambulance a presenta, unda paramedico a atende cu e victima di biaha y a keda transporta pa hospital.

E area a keda cera, unda recherche y departamento tecnico a presenta pa haci nan investigacion. Despues di rato a detene e sospechoso.



## Dos persona bebi a lanta cu polis y keda deteni pafo di Gusto

**ORANJESTAD** - Diamars marduga, pafo di Gusto night club, a sosode un problema unda un homber basta bebi tabata causa molester na hende.

Na momento cu polis a bay atende cu e homber, un dama tambe a lanta cu polis. E homber bou influencia a lanta cu polis, y aki a pone cu mas patruya a presenta pa yuda nan colega. Tanto e homber y e dama a keda deteni.

Polis mester a carga e homber, debi cu e no tabata ni por a para riba su pia y tabata agresivo. Ambos persona a keda transporta pa warda di Shaba.



**Your Key To Safe Driving**  
 Afl. **197,=**  
**SPECIAL**  
 End 21 Dec '18

**HERMUS** Sividivi 1-C Oranjestad info@rijsschoolhermus.com  
 RIJSCHOOL NV TEL.5826732 / 5943263 www.rijsschoolhermus.com

Sorry We're Closed  
 on the following days:

Monday 24 December  
 Monday 31 December  
 Wednesday 2 January

We will be open back for business on  
 January 3, 2019.

**Happy Holidays!**

528-8888 | boogaard-aruba.com

## Persona agredi banda di hotel

**ORANJESTAD -** Diamars atardi, entre Marriott Hotel y Ritz Carlton a sosode un problema, unda un persona a keda agredi door di otro persona cu un obheto.

E persona tabata sinti dolornan na su curpa, y pa e motibo aki ambulans a presenta y paramedico a atende cune.

Polis tabata presente pa tuma dato y recherche a keda notifica.



## Homber a lanta cu famia den cas na Safir y causa destruccion

**ORANJESTAD -** Diamars anochi, na un cas na Safir, un homber a lanta cu e famia den cas y cuminsa causa destruccion.

E homber tabata basta razo cu e famia, y nan no tabata por a controla esaki. A yama polis, unda patruyanan a acudi na e sitio basta lihe y drenta accion. Asina polisnan a logra di detene e homber, maske e tabata basta agresivo. Transportwagen a presenta y bay cu e homber warda.



## Auto a drenta saliña na Rooi Frances



**ORANJESTAD -** Den e birada di Rooi Frances pa Sabana Basora, diaranson merdia, un chauffeur den un Hyundai Getz a perde control tras di stuur, y baha e caminda y drenta e saliña impacta contra e matanan.

No tabata tin ningun persona herida, pero e daño material na e auto tabata considerabel. Polis di trafico tabata presente pa tuma dato, y un takelwagen a keda encarga pa saca e auto for di e saliña.

RODRIGUEZ - TAEKEMA

### EXECUTORIALE VERKOOP

*Krachtens een vonnis van het Gemeenschappelijk Hof van Justitie van Aruba, Curaçao, Sint Maarten en van Bonaire, Sint Eustatius en Saba zal de volgende onroerende zaak in het openbaar worden verkocht. De verkoop vindt plaats eerst bij opbod en vervolgens bij afmijning.*

het recht van erfacht tot een juli tweeduizend vierendertig op een perceel domeingrond, groot éénuizend zeventienhonderd drieënvijftig vierkante meter (1.753 m<sup>2</sup>), gelegen te Matividiri in Aruba, kadastraal bekend als derde afdeling sectie A nummer 74, met het daarop gebouwde, plaatselijk bekend als: **Matividiri 4.**

Inzetprijs: Afl. 455.000,00.

In geval van veiling krachtens beslagrecht bestaat geen mogelijkheid tot onderhandse biedingen.

De verkoop zal plaatsvinden ten overstaan van mr H.M. Rodriguez-Taekema, notaris in Aruba, op **23 januari 2019 om 10:00 uur** op het **Notariskantoor Rodriguez-Taekema, SUCU/De la Sallestraat 60.**

De veilingvoorwaarden zijn beschikbaar op het kantoor van de genoemde notaris bij:

Notariskantoor Rodriguez-Taekema  
 SUCU / De la Sallestraat 60  
 (rotonde Seroe Blanco)

Tel: (297) 588-2400 • Fax: (297) 588-2500 • Email: j.dabian@notarisrodriguez.com

## USA: Ta cera hoben migrante di forma masal

(AP) – Decadanan despues cu Estadonan Uni a stop di hinca mucha y hoben den orfanato grandi y demasiado yen, pasobra esaki tabata causa trauma permanente, e ta sucediendo atrobe. Gobierno federal a pone mayoria di e 14.300 mucha y adolescente migrante cu ta den su custodia den centro di detencion y facilidad residencial yena cu centenares, hasta miles di mucha pareu.



Mientras aña ta yegando un clausura, como 5.400 mucha migrante deteni na Merca ta drumi den shelter di mas di

1.000 mucha. Como 9.800 di nan ta den facilidad cu mas di 100 mucha, di acuerdo cu datonan confidencial di go-

bierno, obteni y controla pa The Associated Press.

Esey ta un cambio hopi dras-

tico, cu a inicia tres luna despues cu Donald Trump a asumi presidencia, tempo cu e mesun programa federal tabatin 2.720 mucha y hoben migrante den custodia. Mayoria tabata den shelter cu un par di dozijn di mucha o den programa di custodia familiar. Cierito di e muchanan por sali di e sistema mas tempran cu a pensa, pasobra e siman aki gobierno ta termina un parti di su politica di revision estricto, cu a retene e proceso di pone mucha cerca nan famia na Merca.

Te awor informacion publico tabata limita encuan to e cantidad di hoben teni na cada facilidad supervisa pa

e Oficina di Realocacion di Refugiado, hasta pa abogado representando mucha. Pero AP a obtene dato mustrando e cantidad di mucha den centro, shelter y programa di custodia den famia individual, pa casi tur siman di e ultimo 20 lunanan, mustrando den detaye e expansion di e programa pa accion di gobierno di Trump contra migrante.

E datonan ta muestra e manera cu politica di gobierno a bira mas duro cu e muchanan, un fase nobo den un programa cu tabata intenciona pa duna proteccion na mucha vulnerable coriendo pa peligro rond mundo.

## Rusia por tin arma nuclear na peninsula Crimea

(TheGuardian) – Union Europeo a lansa un investigacion riba e aparente hacking di e red di comunicacion diplomatico di UE, despues cu miles di mensahe confidencial a ser haci publico, incluyendo descripcion di Donald Trump como 'bully' y Crimea como un 'hot zone' unda por tin arma nuclear.

E dump di e mensahenan confidencial riba un site publico a pone na descubier to e preocupacion di diplomatonan di UE cu gobierno di Trump y nan asuntonan cu Rusia y China. Entre e informenan haci publico tabatin un advertencia di 8 di februari cu Crimea a ser converti den un "hot zone unda ya por tin arma nuclear instala."

Russia a anexa e peninsula di

Crimea, territorio di Ucrania, ilegalmente na 2014.

Publicamente ni UE ni Merca a yega di sugeri cu tin algun prueba di presencia di arma nuclear Ruso.

Secretariado di UE a bisa como respuesta riba e prome informe di un leak den the New York Times cu nan tabata "consciente di alegacion encuan to un potencial leak di

informacion sensitivo" y cu nan tabata "activamente investigando e asunto."

E vice-presidente di Comision Europeo, Valdis Dombrovskis, un anterior prome ministro di Latvia, a bisa cu cualkier institucion o pais ta vulnerable pa e tipo di atake aki pero el a nenga di comen-

ta tocante e leaknan.

Hopi di e contenido di e mensahenan a confirma preocupacion expresa caba publicamente na Bruselas tocante gobierno di Trump, y e deterioro den e orden mundial a base di regla, pero e ruptura di seguridad lo ta un preocupacion mayor.

## Merca ta retira tur su militarnan di Siria

(AP) – Gobierno di Merca lo cuminsa pronto cu retirada di tur tropa, aproximadamente 2.000 militar Mericano cu ta na Siria, un oficial Mericano a bisa ayera, mientras presidente Trump a declara victoria den e mision pa derota Estado Islamico (IS) na e pais ey.

Planificacion di e salida a cuminsa y tropanan lo cuminsa sali mas pronto posible, e oficial a bisa, cu no tabata autorisa pa discuti publicamente e planificacion militar y a papia bao condicion di anonimato.

Diarason, mientras vice-presidente Mike Pence tabata reuni na Pentagono cu lidernan militar, Trump a tweet: "Nos a derota IS na Siria, mi unico motibo pa ta cynan durante presidencia di Trump." E declaracion ey di victoria ta leu di ta unanime. E decision lo cumpli cu e meta di basta tempo pasa di Trump, pa trece e tropanan Mericano cas di Siria, pero lidernan

militar tabata argumentando cu IS ta keda un menasa y cu nan por re-agrupa, mientras nan ta luchando ainda den e guerra civil na Siria.

Trump a argumenta na favor di e retirada desde cu e tabata un candidato presidencial. Pero e decision ta subraya e division entre e presidente y e asesornan militar, cu a bisa den e simannan reciente cu ta keda gruponan isola di IS y cu politica di Merca tabata pa mantene tropa na e luga te ora eradica e extremistanan completamente.

Lidernan republicano den Senado a reacciona cu disgusto riba e noticia. Senador republicano Lindsey Graham, tipicamente un sostenedor di Trump, a bisa cu e tabata sorprendi pa e informe y a yama e decision "un emergente desaster." El a bisa cu e "ganadonan mas grandi ta ISIS y Iran."

Senador Republicano Marco Rubio di Florida a bisa cu e retirada lo ta un 'grave error cu implicacion mas amplio' mas aya di e lucha contra IS.



**Fundacion Parke Nacional Aruba (FPNA)**  
De Stichting streeft ernaar de prachtige rijkdom aan dier- en plantensoorten in onze natuurgebied te beschermen en voor toekomstige generaties te behouden. We zetten ons ook in voor het behoud van ons culturele erfgoed binnen ons park. Na 'conservatie' is 'educatie' en 'recreatie' een hoofdtaak. We willen optimaal informatie verstrekken aan de Arubaanse gemeenschap en bezoekende toeristen.

Samen met anderen willen we bouwen aan een toekomst waarin mens en natuur in harmonie leven.

Wij geloven in een mooie, gezonde en duurzame wereld. Waarin mensen leven, werken en ondernemen zonder schade aan natuur en milieu.

We ambiëren een Aruba als koploper op het gebied van natuurbehoud, zowel binnen het Caribisch gebied als daarbuiten.

Om onze organisatie op een professionele wijze verder te ontwikkelen en uit te bouwen, zijn we op zoek naar een:

- **Marketing & Communications Manager (m/v) - 40 uur p/w**
- **Sustainable Recreation Manager (m/v) - 40 uur p/w**

Sluitingsdatum om te solliciteren: 8 januari 2019

Kijk op onze website <http://www.arubanationalpark.org> en op onze Facebookpagina <https://www.facebook.com/arikoknationalpark> voor meer informatie over deze vacatures!

## Asociacion di crucero, FCCA, A.T.A. y Santa Claus a sorpresa Fatima College



**ORANJESTAD** - E cabesante y maestronan di Fatima College, hunto cu representantenan di Aruba Tourism Authority, tabatin un secreto grandi bon scondi pa e alumnonan di e school, y tabata manera un explosion di alegria ora cu e alumnonan a haya e bishita inespera mainta trempan di tripulantenan di Caribbean Princess y Santa Claus.

Santa Claus y su ayudantenan a cana drenta e school cu nan mannan yen di regalo, y asina e alumnonan a topa nan cu hopi alegria. E gerente encarga cu recursonan humano pa e crucero Caribbean Princess a splica cu esaki ta su prome bishita na Aruba, y el a gosa di e reaccion. El a sigui bisa cu p'e, e Holiday Gift Project di Florida Caribbean Cruise Association (FCCA) ta un experiencia fantastico, mirando e caranan contento di e alumnonan. Ademá, e tabata un momento unico pa comparti cu e comunidad di Aruba.

Kimberley Richardson y Marouska Heyliger di Aruba Tourism Authority a percura pa e proyecto sali exitoso, y a hiba palabra di gradicimento na e tripulantenan di Caribbean Princess.

E proyecto riba su mes ta existi mundialmente ya pa mas cu 20 aña. Tur isla cu e cruceronan di FCCA ta bishita, conoce e 'Holiday Gift Project' y esaki ta un di e gestonan di parti di FCCA pa expresa nan gratitud na e comunidadnan, cu ta brinda hospitalidad na nan huespednan y ta coopera cu



tur e liñanan crucero cu ta miembro. Na cada waf, e tripulacion di diferente barco di FCCA a entrega mas cu 200 regalo hunto cu Santa Claus, durante nan bishita na un instancia, organisacion of school.

Cada aña, ta scoge un diferente instancia, fundacion of un school, y cada school lo haya nan turno. E aña aki a

toca turno pa Fatima College na Dakota.

E cabesante di Fatima College, Franklin Richardson, a bisa cu ta prome biaha cu Fatima College ta ricibi un bishita asina, y nan a dicidi tambe como team pa mantene e evento un secreto pa e muchanan. "Mi mes tampoco a spera asina hopi cos bunita." el a expresa.



E team y e alumnonan di e school, cu a ricibi e sorpresa cu masha entusiasmo. Cabesante di e school a finalisa bisando cu e tabata un experiencia inolvidabel pa e muchanan, pero tambe a haci un impresion grandi riba e team completo di Fatima College.



## Cena di Pasco di Giselle Department Store



**ORANJESTAD - Giselle Department Store a celebra su Christmas Dinner na Divi Phoenix ballroom weekend ultimo.**

E empleadonan a comenta cu e cuminda tabata hopi bon mes. Ademas, tabatin bon ambiente cu Francis Jacobs, cuminsa cu canticanan di Pasco sigui pa bailamento.

Aki bou nos ta laga un bista grafico di e anochi.





## Kiwanis Club Palm Beach cu celebracion di Santa Claus

**ORANJESTAD** – Diasabra ultimo, dia 8 di december, Kiwanis Club of Palm Beach Aruba a tene su evento anual pa temporada di Pasco, esta e Santa Claus Event, cu ta un celebracion di Pasco pa un grupo di mucha di menos recurso.

E evento aki a keda coordina hunto cu representante di Departamento di Asuntunan Social, y a conta cu presencia dia mas cu 55 mucha entre 4 y 12 aña di edad. E evento a tuma luga na Neptali Henriquez Park den oranan di atardi y tabata inclui entretenimento, bebida y cuminda pa e muchanan. Tambe Santa



Claus a bishita e evento y na final di e evento a entrega un bunita regalo na cada un di e muchanan. E organisacion

di e evento tabata na encargo di un comision di miembronan di Kiwanis Club of Palm Beach Aruba, encabesa pa Marc Porter, conhunto cu e Director di Departamento di Asuntunan Social, esta Janine Rodriguez. E gasto di e evento a wordo cubri cu fondo nan cu e club di servicio ta recauda durante aña como tambe pa medio di algun donacion. Kiwanis Club of Palm Beach Aruba a keda sumamente satisfecho cu e evento, como cu por a wak cu muchanan a pasa un tempo ameno y placentero, den e espirito di e dianan di fiesta. Kiwanis Club of Palm Beach Aruba kier a tuma e oportunidad aki pa gradici tur esun



nan cu den un forma of otro a sa di contribui na e evento, y en special Domino's Pizza, De Palm Tours y Tropical Bottling pa nan contribucion na a evento. Kiwanis Palm Beach ta pertenece na e organisacion global Kiwanis In-

ternacional cu ta un instancia caritativo dedica na haci nos mundo miho, door di cambia un comunidad pa medio di un mucha cada bes. Mas informacion por bishita: [www.facebook.com/kiwanispalm-beach](http://www.facebook.com/kiwanispalm-beach)



## Mirta Geerman-Stamper a cumpli 35 aña di servicio di gobierno



**ORANJESTAD** – Dialuna atardi, Minister di Finansa, Asuntunan Economico y Cultura a ricibi na su oficina sra. Mirta Geerman-Stamper, pa otorga su persona e Landsbesluit di 35 aña den servicio di Gobierno di Aruba.

E mandatario a gradici sra. Mirta pa su dedicacion y lealtad y brinda un recuerdo pa e ocasion bunita aki. Masha pabien na sra. Mirta y famia.



## Messi ta ricibi su di 5 Sapato di Oro



**BARCELONA** – E delantero di Barcelona, Leo Messi, a ricibi diamars su Sapato di Oro cu ta acredite como e maximo golador den liganan Europeo

pa loke ta e temporada 2017-18. Den su palabranan na e ceremonia, el a gradici su compañeronan di ekipo cu e ta considera fundamental pa alcanza

su reconocimiento individual.

“Mi no tabata spera tanto cos manera esakinan tempo mi a cuminsa hunga bala. Mi

soño obviamente tabata di bira un futbolista profesional, pero nunca mi no a imagina di logra tanto cos asina aki. E ta fruta di trabou, esfuerço y mas di compañeronan di ekipo. Mi ta den e miho ekipo na mundo, mi tin e miho hungadonan na nan respectivo posicionnan cu ta haci e cosnan mas facil pami di moda cu mi por logra e premionan aki”, asina Lionel Messi a duna di conoce. “Mi ta den bon condicion tanto anemico y fisico. E añanan ta bay pasando y bo ta purba cuida bo mes, manera ma haci henter mi carera. Y awor hopi mas paso e partidonan a bira mas exigente y nos no tin hopi tempo di descanso”, asina Messi a declara na ora a puntr’è pa e gran forma cu e ta den actualmente. Den fin di siman tras di lomba e tabatin un hat-trick, mientras cu e

la duna dos asistencia tambe. Pues tabata implica den tur e cinco golnan di su ekipo, loke a dun’è un puntuacion perfecto den e partido. “Lio ta un extraterrestre di futbol”.

Cu su di cinco “Sapato di Oro” logra diamars, Messi asina ta deshaci dje empate cu e tabatin cu e Portugues Cristiano Ronaldo, pa comberti den e unico hungado cu mas Sapato di Oro gana, por cierto cu ta keda concede pa e European Sports Media (ESM). Otronan medianan deportivo cu tambe ta forma parti dje acusacion aki ta Marca, La Gazzetta dello Sport, A Bola, Fanátiko, Elf Voetball, Kicker, Sport Express, Sport Voetbal, Tips Bladet, Telesport, Frankfurter Allgemeine, World Soccer, So Foot, Goal News y Nemzeti Sport.

## Gruponan pa Copa Libertadores 2019 ta conoci

**ASUNCION** – River Plate, e flamante campeón di Copa Libertadores, lo midi forsa cu Internacional di Brasil y Alianza di Lima durante e fase di grupo di e proximo edicion di Copa Libertadores. Boca Juniors, cu a perde contra su gran adversario den un final mancha pa violencia, lo topa Atlético Paranaense, e monarca di e Copa Sudamericana.

Y durante e sorteo cu a defini dialuna e gruponan pa ambos torneo, e presidente di Conmebol a haci un yamado pa pone fin na e tipo di hechonan violento cu a obliga pa realisa na Madrid e final

historico entre River y Boca.

“Ban caba cu violencia, ban caba cu intolerancia, e ehempel mester cuminsa cu nos”, asina Alejandro Domínguez a bisa durante e ceremonia cu a tu ma luga na e sede di Conmebol. “Nos tin e producto mas stima na mundo, nos tin e hungadonan, nos tin e fanaticada. Nos tin tur cos, nos a demostra esey na mundo y mundo a reacciona cu hopi expectativa na nos competencia.”

E campeonato ta tuma luga di 22 di januari pa 23 di november, dia cu ta hunga e final. Esaki ta un cambio pa e evento cu awo ta aplica un for-

mato mas similar na esun di Champions League di Europa. Tambe ta conoci e sede di e final cu ta na e Estadio Nacional di Santiago di Chile. E campeón ta bay cu un premio di 12 milyon Dollar, mientras cu e subcampeon lo haya 6 milyon.

E sorteo a defini tambe e weganan di e prome fase di Copa Sudamericana, cu ta programa pa 19 di maart pa 30 di october. E torneo aki tambe lo yega na un final di un solo wega den e Estadio Nacional di Lima.

COPA LIBERTADORES	
<b>GRUPO A</b>	<b>GRUPO B</b>
RIVER PLATE	CRUZEIRO
INTERNACIONAL	EMELEC
ALIANZA LIMA	HURACÁN
G4	DEPORTIVO LARA
<b>GRUPO C</b>	<b>GRUPO D</b>
OLIMPIA	PEÑAROL
SPORTING CRISTAL	FLAMENGO
GODOY CRUZ	LDU QUITO
UNIV. DE CONCEPCIÓN	BOLIVIA 2
<b>GRUPO E</b>	<b>GRUPO F</b>
NACIONAL	PALMEIRAS
CERRO PORTEÑO	SAN LORENZO
ZAMORA	JUNIOR
G1	G2
<b>GRUPO G</b>	<b>GRUPO H</b>
BOCA JUNIORS	GRÊMIO
ATHLETICO PARANAENSE	UNIVERSIDAD CATÓLICA
JORGE WILSTERMANN	ROSARIO CENTRAL

## Barcelona no ta perde speransa di haya Frenkie de Jong

**BARCELONA** – Aunke e prome reunion cu su agente no a resultado productivo, directiva di FC Barcelona ta sigui cu e idea den nan cabes pa recluta Frenkie de Jong. Ni sikiera e posibel fichaje di Adrien Rabiot ta kita for di nan intencion pa cu e talentoso mediocampista Hulandes.

Kico cu pasa, e problema mas grandi cu e club mester bay atende den e asunto aki ta e competencia cu tin di parti di Manchester City y París Saint-Germain. Ambos ya a demostra nan boluntad pa pone e cantidad cu Ajax ta exigí y ta trahando cu interes pa yega na un acuerdo cu e futbolista.



*Aruba Softball Bond*

**‘Actualmente, no ta recaudando fondo pa ningun proyecto’**

**ORANJESTAD - Aruba Softball Bond kier participa publicamente cu Aruba Softball Bond no ta recaudando fondo pa ningun proyecto actualmente.**

A yega na nos conocimiento cu tin un grupo ta pidiendo fondo den comunidad pa Aruba Softball Bond. Cualquiera carta cu Aruba Softball Bond saca, mester conta cu firma y stempel oficial di ASB. Pa cualquier rason por tuma contacto libremente cu Vice Presidente di ASB Chipen Chirino na 592-0170 of Andresito Krozendijk Secretaris na 594-0132.



**Donacion di 10mil florin na Koningin Wilhelmina Fonds di Crossing for Hope**



**ORANJESTAD - Diaranson mainta, minister di turismo, salubridad publico y deporte Dangui Oduber a haci su bishita na Stichting Koningin Wilhelmina Fonds pa haci entrega di un bunita donacion, cu sigur ta un muestra di aprecio pa e trabou noble cu nan ta haci pa comunidad di Aruba.**

Despues cu dia 11 di november, e 5 landadonan a realisa un hazaña yama Crossing for Hope, caminda nan a landa for di Venezuela pa Aruba, y nan a haci esaki pa un bon

causa, esta pa recauda fondo pa Stichting Koningin Wilhelmina Fonds.

Gobierno di Aruba y minister di salubridad publico tambe a mira e necesidad pa contribui na e fundacion aki, pa asina yuda nan pa e trabou cu nan ta haci pa comunidad, cu ta trabou a base di boluntarismo. Presidente di Koningin Wilhelmina Fonds, Lilian Prince a keda sumamente contento cu e aprecio aki, y a gradici nos minister di salubridad publico pa e gesto.

Sra. Prince ta splica cu Koningin Wilhelmina Fonds t'ey

pa tur tipo di cancer. Tur cu bati na porta di Stichting Koningin Wilhelmina Fonds ta wordo yuda gratuitamente. Ehempel di yudansa cu Stichting Koningin Wilhelmina Fonds ta: Ayudo cu

transportacion di e pashent pa sea Hospital, Laboratorio of specialista, nan ta yuda pa ora di bay den exterior pa paga un pasashi pa un otro companante bay cu e pashent, ta yuda cu peluca y si tin

mester di un psicologo. Esakinan ta djis algun ehempel pa menciona. Tur esakinan ta posibel cu e aporte y sosten cu comunidad di Aruba ta duna nan.





# "Giselle"

Department Store  
Tel. 586-7104 • Noord 55-A

## Orario di Giselle

- 

diahuebs 20 dec. 8.30a.m – 12.30 p.m  
---- 2.30 p.m te cu 8.00 p.m
- 

diabierna 21 dec. 8.30 a.m - 12.30 p.m  
----2.30 p.m te cu 8.00 p.m
- 

diasabra 22 dec 9.00 a.m te cu 6.00 p.m
- 

diadomingo 23 dec 10.00 a.m te cu 5.00 p.m
- 

dialuna 24 dec 8.30 a.m te cu 3.00 p.m




*Parlamentario Edgard Vrolijk (MEP):*

## ‘Educacion ta e paspoort pa futuro’



**ORANJESTAD - Diamars a toca turno pa trata e presupuesto di minister di enseñansa Rudy Lampe. Mi persona a enfoca cu nos educacion no ta prepara pa futuro y continuacion di nos comunidad. Nos curiculo no ta basa riba necesidad den nos comunidad y sigur riba exigencia di sector laboral y tambe cambian cu ta bin den sector laboral cu nos muchanan di awa no ta prepara p’esaki.**

Nos sistema escolar ta crea e posibilidad pa sigui hopi ramo di estudio, pero ta trece tambe cune cu actualmente, esunnan cu termina cierto estudio ta haya hopi dificultad pa haya un trabou, y pa mi esaki ta un forma di demotivacion. Y nos curiculo actual no ta basa pa siña e mucha cierto tecnica cu por haci cu e por adapta y por funciona den otro funcionnan. Siguramente, e desaroyo di e tecnica aki ta hopi importante pa futuro di nos comunidad. Mi ta contento si di por a wak cu den maneho actual, lo duna contenido na e

21 Century Skills, cu lo yuda den esaki y ta un bon comienzo

Un programa di ICT pa por produci mas profesionalnan den e area aki, ta un obligacion pa nos por inculca cambian innovativo y tecnologico den enseñansa. Y asina nos ta duna contenido real na innovacion, pasobra si pone material y ta utiliza esaki djis pa show, nos a keda mesun leu. Y ta positivo cu ICT ta bira parti di e curiculo di EPI.

### Inclusion

Un punto di atencion ta inclusion di nos muchanan, manera esunnan cu autismo y ADHD, pa crea e plataforma escolar cu nan tambe por ta parti di esaki, y pa duna nan perspectiva den sector laboral. Nan tambe mester tin hopi atencion, sin lubida esunnan cu limitacion fisico y tambe esunnan cu limitacion visual y problemanan cu oido. Nos mester percura pa nan tambe tin futuro, y mi ta kere firmemente cu mester mehora cuerpo di docentenan of crea mas profesionalnan cu por yuda pa duna nan e enseñansa di calidad

### Trainermerdia

Den mi pensamiento, Trainermerdia mester ser amplia, y sigur den barionan cu segun CBS tin hopi necesidad debi na pobresa y problemanan social. Nos tin di duna e muchanan aki tambe e oportunidad, pasobra awendia comunidad a cambia, y mayoria di e mayornan ta traha, y cu subida di edad di pensioen, welo y welanan awendia tin di traha, y hopi mucha ta keda riba caya. Y pa haci esaki posibel, nos mester di hopi profesionalnan cu ta trahando y ta netamente nan experticio ta necesario den e proyecto aki.

*Parlamentario Mervin Wyatt-Ras (AVP):*

## ‘Despues di firma cu Hulanda, Ruiz-Maduro a keda cu klompen bisti’



**ORANJESTAD - Wyatt-Ras den su discurso tratando presupuesto di enseñanza, economia y cultura, a cuestiona pa loke ta trata nos economia y finanzas publico, e minister di finanzas y economia. Wyatt-Ras a trece padilanti su preocupacion pa loke ta efectonan di ‘crisisheffing’ ariba nos hendenan, specialmente esunnan vulnerabel y esunnan cu ya caba no tin hopi placa den nan cartera.**

Nan mester cumpli cu pago di vivienda, comestibel, productonan, pago di awa, coriente, gasolin y scol pa nan yiunan. E ‘crisisheffing’ a dal nos hendenan duro y a haci hopi dolor. Nos hendenan humilde a ser castiga.

Gobierno lo introduci un sistema di impuesto nobo. Den e contestanan di gobierno na nos fraccion, ta menciona cu lo no menciona mas riba factura e tipo di impuesto, manera BBO, BAZV y BAVP, sino solamente un bedrag. Esaki no ta un forma transparente di anda cu nos hendenan. Y asina tambe por sigui subi prijs sin cu e consumidor por wak kico ta e impuesto riba su slip ora e cumpra algo. Un dado momento ta haci cu nos hendenan ta kere cu no tin niun belasting. Esaki ta pa tira santo den wowo di nos pueblo. Ta kico gobierno aki ta kere cu nos hendenan no sa?

Net pa un minister cu tabata reclama tur cos den parlamento. Un minister cu a pidi pa CAFT bin Aruba, y a cana entrega rapport na tur hende na Hulanda cu tin mega debe, awor a zorg pa hisa gastonan di gobernacion. Pues ta obvio cu no tabatin mega debe.

Costo di aparato gubernamental a subi cu 130 mion segun CAFT, en comparacion cu realizacion di 2017. Dicon ta scoge pa medidanan en bes di baha gasto di opera-

cion di gobierno y di personal, cu a kita hende y a nombra mas? Gobierno aki no ta serio, segun Wyatt-Ras.

Pa loke ta trata introduccion di un sistema di impuesto nobo, Wyatt-Ras a puntra gobierno dicon no tin conseho di Banco Central? Tampoco no tin conseho di CBS, ni di e departamento economico, comercio y industria? Pregunta cu el a haci ta, ki efecto e reformacion fiscal lo tin riba inflacion? Ya caba prijsnan di producto, cuminda, vivienda, awa, coriente, gasolin ta subiendo, ki lo ta e efecto di e reforma fiscal riba esakinan?

Pa loke ta trata cambianan fiscal, minister a informa parlamento cu den prome fase no por spera influencia riba poder di compra. Pa fase 2 te cu 4, mester haci calculacionnan ainda. Wyatt-Ras a puntra ki ta efecto di e cambianan di ley di impuesto, introduccion di crisisheffing y adaptacion di IB y grondbelasting pa p.e. un persona cu tin salario minimo, lo ser contesta den reunion?

Minister por duna nos bista di e impacto di reforma fiscal y introduci crisisheffing, cambianan di IB/LB y grondbelasting pa persona di salario minimo, salario 2500; 3500; 4000; 4500; 5000? Tanto e entradanan di winstbelasting como entradanan di omzetbelasting BBO, BAZV, BAVP a keda atras riba calculacion di 2018. Wyatt-Ras a puntra con ta bay haci cu esaki? Lo pone esakinan den nota di cambio?

Pa loke ta trata e protocol cu gobierno di Aruba a firma recientemente cu Hulanda, sin consulta cu parlamento, a entrega Aruba su autonomia. Paso awor ta Hulanda ta dicensi pa gobierno di Aruba cu tin cu entrega tur meevallers, pues no por inverti esakinan den proyectonan pa e pais. Tanto cu nan a critica gobierno anterior. E minister di Finansa y Economia cu anterior tabata grita den parlamento cu e ta para pa autonomia, y a para duro grita un ‘toontje lager’. Tanto el a grita den parlamento den pasado cu tin mega debe, awe na laga di baha gasto ta haci net lo contrario di hisa esaki excesivamente. E minister aki, cu antes tabata grita cu e ta para fuerte den su sapatonan, awor cu Hulanda a kita su sapatonan, e tin cu cana cu klompen bisti.

Banco di Seguro Social Aruba

## CERAMENTO OFICINANAN SVb DURANTE DIANAN DI FIESTA



En conexion cu celebracion di Pasco di Nacemento y Aña Nobo, tur oficina di SVb ta cera pa publico riba e siguiente dianan:

- Dialuna 24 december te cu diabierna 28 di december 2018
- Dialuna 31 december 2018 te cu diaranson 2 januari 2019

Durante e dianan aki por notifica AO (meld ziek) online tur dia riba nos website [www.svbaruba.org/ao](http://www.svbaruba.org/ao).

Notificacion di AO mediante 527-2782 riba e dianan aki ta limita na e orario di 7:00 am te cu 11:00 am.

Riba 25 y 26 di december y riba prome di januari 2019 **no** tin servicio na telefon 527-2782.

Diaranson 3 januari 2019 tur oficina di SVb ta habri na e orario regular atrobe.

E ceramento no ta afecta e sistemanan riba e website di SVb.

*Nos ta ofrece nos disculpa pa e inconveniencia aki.*

*Parlamentario Arthur Dowers (AVP):*

## 'Nelson Oduber a conseha coalicion pa baha y bay eleccion si no tin sosten!'

**ORANJESTAD - Durante tratamento di presupuesto e siman cu a pasa, nos tur tabata testigo di un impasse cu a tuma lugha entre e partidonan di coalicion na mando. Parlamentario Arthur Dowers a duna di conoce cu, caminda falta di conocimiento y mas cu tur cos falta di experiencia den un grupo di persona cu ta yama nan mes gobernante, y personanan cu ta sostene gobierno a resalta.**

Nunca por a imagina cu bo tin un gobierno cu tin 12 asiento, ta sali bisa cu nan no ta un gobierno cu a bin hunto paso nan ta stima otro, pero a resulta cu nan a bin hunto pa nan conveniencia personal. Segun nos por a comprende di Ricardo Croes, e la bisa cu ta Gobernador a fors'e drenta den e cos aki, pero na momento cu e la drenta e la bay wak con e por probecha y kico e



por logra pa su mes. Cada un riba nan mes a cera un pacto diabolico pa asina ey nan bay castiga e pueblo. Bo tin e gobernantenan aki cu no tin e nivel cu bo mester tin pa bo por guia un pais. Bo tin hendenan cu a bin haya

tur plan cla. Diferente ministernan cu a bin den parlamento, cu te na e momentonan aki no por a presenta un plan, no por a presenta ni resultado di loke nan mes a haci, y unicamente ta ehecutando plan di gobierno anterior y trahando conforme loke gobierno anterior a pone. No solamente cu nan a haya tur plan cla, gobernando y cumpliendo cu e trabounan cu AVP a laga, pero awo ta resulta cu nan kier pa Partido AVP goberna tambe pa nan. Tristo!

Coalicion a laga sa cu ta AVP mester ta den parlamento pa dirigi reunion, nos mester ta den parlamento pa duna quorum pa reunion, y nos mester percura pa nan gobierno keda cu mayoria. Acaso nan tin un idea kico gobernacion kiermen?, sr. Dowers ta puntra.

Teniendo cuenta cu Nelson Orlando Oduber, un di e personanan cu mas

experiencia den hiba oposicion den e pais akinan, a bisa e parlamentarionan aki un aña pasa, cu nan kier sa cu nan ta gobierno na momento cu nan a presenta mas di 100 mocion, a duna nan un lastra y por a mira e biaha aki un diferencia, paso no a bin cu mesun cantidad. E aña aki e la bisa nan, tende shonnan si boso no tin sosten di parlamento, anto boso mester baha boso gobierno y bay eleccion y pidi pueblo sosten di 11/12 pa goberna, of mester wak si pueblo a cansa di nan. Sr. Dowers ta finalisa bisando, si e coalicion aki tin poco tino nan lo scucha ora un di e djaca bieunan aki ta conseha nan. Algun di e hendenan den e partido ta kere cu nan rol ta fungi como cheerleader, rol di shishi, cana haci shishe-ria, en bes di concentra sinta sostene nan gobierno, ta critico pero para tras di bo gobierno pa nan por goberna na interes di e pueblo.

*Parlamentario Mervin Wyatt-Ras (AVP):*

## 'MEP y POR kier cambia regla pa tapa problema den coalicion'



**ORANJESTAD - Parlamentario Mervin Wyatt-Ras, como ex-presidente di parlamento, ta di opinion cu ta parce cu fraccion di MEP Y POR, djis pa nan tapa nan problema cu otro den coalicion, kier pa cambia articulo 25 y 27 di reglement van orde.**

Nan kier a haci esaki pa medio di articulo 83 di reglement van orde, cu ta bisa cu na tur momento por cambia reglement van orde, y cu pa esaki ta necesario cu tur miembro duna sosten. Tur cos a cuminsa diabierna ultimo, na momento cu sr. Ricardo Croes a dicidi di bandona sala di parlamento door cu e no a haya sosten di su coleganan di coalicion ora cu el a presenta un mocion. Durante su discurso, sr. Croes a presenta un mocion encuanto decriminalisacion di cannabis. Door cu su so a firma e mocion, e tabatin mester di sosten den sala di por lo minimo 2 miembro pa su mocion por pasa pa votacion. Aki su coleganan di coalicion no a dun'e e sosten cu el a spera. Asina el a bandona sala. A resta 10 di su coleganan

presente, y fraccion di AVP a duna sosten door di duna quorum. Articulo 25 ta indica cu pa cuminsa cu un reunion, mas di dos tercera parti di e miembronan mester firma e lista di presencia y mester ta presente den sala. Articulo 27 ta indica cu ora e cantidad di miembro no ta presente mas na reunion, presidente ta verdaag e reunion despues di conta cabes di e miembronan presente. Awor locual ta usual ta cu e fraccion of fraccionnan, den e caso aki coalicion, cu ta sostene gobierno mester keda den sala paso nan ta sostene nan gobierno. Esey no ta awor, pero ta tuma lugha desde prome cu aña 1986. Pues durante mas di 30 aña. Den e caso aki, durante e dianan cu a pasa fraccion di AVP tabata tene quorum pa reunion continua. Pero continuamente, miembronan di fraccion di MEP tabata bisa cu AVP no ta bin reunion y nan tabata keha. En special diabierna cu tabatin miembro di coalicion ausente, fraccion di AVP tabata duna quorum. Sinembargo, na momento cu sr. Croes a bandona reunion door cu su coalicion no a sosten'e, e miembronan di e fraccion geel en bes di hiba nan discurso 'to the point' a cuminsa tira lodo riba miembronan di AVP. Aki e hemchi a yena, y e ora fraccion di AVP a dicidi cu awa a pasa hariña y no ta aceptabel cu ta coopera pa duna quorum mientras ta

haya lastra di palabra door di cierto miembronan di fraccion di MEP. Fraccion di AVP a dicidi di bandona sala. A resta 9 miembro di MEP y 1 miembro di POR, y a pidi Presidente pa conta cabes. Sra. Wyatt-Ras

por nota cu tin problema entre miembronan di coalicion, y cu esey lo mester ser resolve entre nan. Ta nan a scoge pa traha cu otro, pues nan mester sostene otro tambe, y no por ta asina cu nan ta tira palabra y por conta cu ta keda

sostene nan. Sra. Wyatt-Ras ta haya cu e parlamentarionan aki mester madura y carga nan responsabilidad y mester coopera cu otro. Natural mester keda respet pa otro, cu den e caso aki ta laga di desea tambe.

# CLA PA BAY CU VAKANTIE?

Departamento di Aduana ta recorda bo:

- Max. 400 fl. di exoneracion di impuesto pa articulo di uzo personal pa personanan di 16 aña bay ariba
- Tene cuenta cu pa cierto articulo mester di permiso di importacion p.e. remedi y algun articulo electronico
- Regla tur documento pa mascota (cumpra den exterior)
- 1L. di alcohol cu exoneracion di impuesto y 1 slof di sigaria pa persona di 16 aña bay ariba

Pa mas informacion bishita [www.douane.aw](http://www.douane.aw)

## Parlamentario Sue Ann Ras ta cuestiona falta di colposcoop na Hospital

**ORANJESTAD** – Hospital di Aruba no tin un asina yama ‘colposcoop’, esta un camara special cu mester uza ora di trata casonan di abuso. Durante tratamiento di presupuesto 2018 e siman aki, e parlamentarionan a haci pregunta na e ministernan riba e presupuesto. Un di nan tabata parlamentario Sue-Ann Ras (MEP), cu a cuestiona e echo cu hospital no tin un aparato importante y necesario, cu ta costa apenas 3 mil dollar.

Ras durante su disertacion a cuestiona, cu ni directiva ni hunta di supervision no a pone e aparato aki como un prioridad pa tin esaki na hospital.

### Cifra halto di abuso

Durante e disertacion, Ras a muestra cu e cifranan di abuso/maltrato di mucha ta halto y cu e comision di hospital mes a indica esaki. “Mi ta condena y ta haya inaceptabel, cu nos ta na aña 2018 y cu ni directiva di hospital, como tambe conseho di supervision di hospital, ainda no a pone e echo pa tin un colposcoop como parti di nan instrumentonan importante como prioridad”, Ras a bisa. El a sigui pa splica kico e aparato aki ta y con pa uz’e. “Pa clarifica pa esun-



nan cu no sa, un colposcoop ta un camara pa saca potret interno, pa haya e rastronan di e posibel ofensa cometi. Pa haci investigacion genital, na momento cu tin un caso di abuso di mucha awor, tin deficiencia di presencia

di un colposcoop”, Ras a bisa. “Pues manera por mira awo, un colposcoop ta un instrumento hopi crucial, cu mester tin ora cu bo ta trata cu un caso di abuso di mucha, specialmente den corte. Anto e comision no ta dis-

pone di esey, paso hospital no a pon’e como prioridad, door cu e.o. ta trata di e topico di abuso sexual, cu ainda ta considera como un taboe y ta prefera di evita esaki, segun e rapport di e experto internacional Anne Hofman”, e parlamentario a sigui bisa.

### Taboe

Segun Ras, den e rapport di e experto Anne Hofman, e echo cu no a percura pa cumpra e aparato ta paso e topico ta uno taboe y ta prefera di evita esaki. Mas condenabel ta, cu e aparato aki ta costa apenas 3 mil dollar y niun ex minister ni tampoco parlamentario di oposicion den tur e añanan cu a pasa, cu ta bisa di tin mucha y hende central, a percura pa cuestiona esaki. Mientras e relatonan anual di e comision ta indica, cu tin un promedio di 60 caso pa aña, di cual e grupo mas afecta ta esun di 0-5 aña y ¼ di e muchanan reporta, ta keda hospitalisa den nan propio piso di mucha.

“Y e rapportnan a indica cu for di 2015, e casonan a multiplica, y cu e tendencia aki lo a sigui den 2016”, Ras a sigui bisa. Como tal, e parlamentario a pidi e mandatario pa esaki forma parti di presupuesto di 2019 y a desea di haya sa minister su opinion y compromiso pa cu esaki!

*Parlamentario Daphne Lejuez (MEP):*

## ‘Wardando ley di prohibicion di plastic, oxybenzone y styrofoam yega parlamento’

**ORANJESTAD** - Manera conoci, **gobierno di Aruba recientemente a anuncia cu entrante 1 di januari 2019, lo cuminsa prohibi uzo di plastic di solo uzo, y productonan di oxybenzone, como tambe styrofoam. Esaki sigur ta un noticia sumamente positivo, habriendo caminda pa un futuro hopi mas sostenibel pa nos isla. Parlamentario Daphne Lejuez (MEP) a presenta algun pregunta den parlamento na minister encarga cu Medio Ambiente en cuanto e topico interesante aki.**

A tuma nota di e noticia sumamente positivo cu pa 1 di januari 2019 lo cuminsa cu introduccion di un prohibicion di uzo di productonan di plastic di ‘single-use’ (manera cups, straw, etc.), productonan di styrofoam, y productonan sunblock/suntan cu ta contene Oxybenzone, cu ta dañino pa nos medio ambiente, manera entre otro coral y nos bida marino. Daphne Lejuez a trece dilanti den parlamento si minister lo por duna parlamento un actualisacion di e detayenan di e prohibicion aki? “Kico e ta encera, con e lo wordo ehecuta y controla den anticipacion di e ley, mirando cu e ley ainda no a yega parlamento?”

Lejuez a puntra ki tempo parlamento lo por ricibi e ley cu ta specifica e

detayenan di e prohibicion aki, pero tambe e sancionnan cu lo wordo aplica, pa asina companianan cu ta bende y importa e productonan aki actualmente por adapta y reemplasan nan inventario cu productonan cu no ta riba e lista di prohibicion pa 2020.

### Milieuwet, Beach Policy y Turtuga

Den cuadro di Medio Ambiente, lo a keda di introduci un ‘Milieuwet’, Lejuez a puntra riba e status di e ley aki, y pa ki tempo parlamento por spera di ricibi esaki pa e wordo trata tambe. Ora di otorga tereno comercial, companianan mester entrega un estudio di e impacto na medio ambiente (milieu effecten rapportage - MER) cu nan proyecto lo por tin. Na Hulanda por ehempel, ta existi un comision di experto independiente (MER commissie) cu ta revisa y evalua e estudionan aki. Lejuez kier sa kico lo ta e proceso pa garantisa cu e estudionan aki lo haya e atencion di experto, pa sigura cu nos medio ambiente ta wordo protegi y cu e proyectonan aki ta di un indole sostenibel. “Mirando cu nos medio ambiente, flora y fauna ta recursonan fragil cu merece nos atencion y proteccion pa sigura cu esakinan lo keda den existencia pa generacionnan den futuro”, Lejuez ta enfatiza.

Pa locual ta trata proteccion di por



ehempel Turtuganan, cu ta un especie protegi mundialmente, y cual cantidad, segun observacionnan haci, cu ta subi nos beachnan pa pone webo a cuminsa bira menos. a puntra tambe con ta bay percura pa proteha nan den cuadro di Beach Policy y Milieuwet. Y esaki mirando e desaroyo di barnan y precarionan otorga por ehempel riba Eagle beach, cu ta un zona popular unda turtuga ta pone webo,

lo por crea un obstaculo pa e turtuganan subi e beach pa pone webo. “Ki tipo di manejo lo bay introduci pa hustamente stimula un cantidad mas grandi di Turtuga pa pone webo riba nos beachnan? Algo cu cu alabes tambe ta un atraccion turistico y cu ta fit den e cuadro di desaroyo sostenibel?”, parlamentario Lejuez a puntra den parlamento.

*Parlamentario Endy Croes (MEP):*

## ‘Lotto casi a bati bancarota y a presta 20 miyon na 2011’

**ORANJESTAD - Parlamentario Endy Croes, durante tratamento di presupuesto 2019 diabierna ultimo, den su disertacion a saca un documento di Lotto pa Deporte data februari 2014. Segun Croes tabata splica, cu Lotto pa Deporte desde 2009, cu cambio di gobernacion, a inicia un persecucion politico contra diferente director y empleadonan di FLPD.**

Asina, durante henter aña 2010 y 2011, a persigui diferente hende, unda mayoria a termina cu multiple casonan den corte. Te cu awe, Lotto no a sali bisa cuanto placa el a malgasta na entre otro, companianan manera Ernst & Young, y abogadonan manera Kloes y casa di Baba Herde. Ta calcula mas cu 2 miyon florin.

Den combinacion cu malgastamento di placa di nos deportistanan, e benta di e añanan ey a cay enormemente, unda Lotto a presta na 2010 un suma di 7.5 miyon na AIB, pa operacion

y na oktober 2011 Lotto na un manera urgente mester a presta un suma di 20 miyon na CMB pa asina salvaguardia operacion di Lotto; y pa Lotto no a bati bancarota.


Croes a presenta den parlamento di Aruba un copia di un bankafschrift, unda claramente por a tuma nota momento cu e 20 miyon aki a wordo aloca riba cuenta di Lotto den luna di october di 2011. Tambe, Croes tabata tin den su poder un bestuursbesluit data februari 2014. E bestuursbesluit aki, 3 aña despues, kier legalisa e prestamo di 20 miyon. Statuonan di Lotto ta papia cla, momento ta trata na prestamo di placa mester un ‘voltalig bestuursbesluit’ prome cu cualkier prestamo tuma luga, y alabes un apoderacion di minister.

Lotto na 2011 a presta 20 miyon sin un bestuursbesluit, y alabes sin un apoderacion di e minister concerni, manera Statuut ta prescribi. Pues un acto totalmente ilegal. Despues, momento cu esunnan cu ta Audit Lotto a trece e remarca di e documenton-

an cu no ta cuadra, pa ta exacto februari 2014 a yama un reunion pa firma un bestuursbesluit alrespecto.

Croes ta rechasa totalmente e forma di procede di Lotto, y awe e mesun tiponan aki tin Lotto atraca, unda e minister nobo cu dificultad por cristalisa su vision. Cu prueba den man, Croes a trece esaki dilanti, pa pone parlamento, e instancia mas halto di pais Aruba, na haltura di manio-branan ilegal den Lotto pa Deporte. Croes a splica tambe cu parlamento di Aruba lo haci peticion oficial na Algemene Rekenkamer ARA pa haci investigacion pronto den Lotto.

Pues aña 2019 lo habri cu hopi desaroyo tocante Lotto.



### Aviso

**En conexion cu dianan di fiesta nos  
oficinanan ta cera riba:**

**Dialuna 24 di december henter dia**

**Dialuna 31 di december henter dia**

**Gerencia, Staff y Personal di AZV ta desea  
comunidad di Aruba un Bon Pasco y Prospero  
Aña Nobo yena di energia y hopi salud.**

Rumbastraat 21, Oranjestad info@uoazv.aw www.azv.aw

**AD PATRES** funeral home  
 Van Rensselaerstraat 2  
 Tel. 584-2299 - 7372299  
 Family owned and operated  
 Since 1997  
*Ta participa fayecimento*

*"Señor ta mi wardador, mi'n tin falta di nada.  
 Den cunucu di yerba berde, E ta ponemi sosega.  
 E ta hibami na awa tranqil, pa mi bolbe haña forsa"*  
 Salmo: 23

Cu inmenso tristeza na nos curazon, pero conforme cu Dios su boluntad nos ta participa fayecimento inesperadamente di nos ruman y tanta stima:



**DOMINICA FILOMENA WILLEMS**  
 Cariñosamente yama: 'Vilma'  
 \*04-08-1949 †17-12-2018

Na number di su:

**Rumannan:** Joaquin y Filomena Vrolijk y famia Victoriano (Buchin) Willems y famia Antonio (Lucito) Willems Arturo (Tuyo) y Ina Willems y famia na Hulanda Dominico (Doys) Willems y Lima Fingal y famia

**Cuñá:** Sra. Vda. Diana Willems – Laurence y famia

**Tanta:** Sra. Vda. Maika De Freitas – Willems y famia Sra. Vda. Cecilia Willems – Kock y famia

Si en caso den nos tristeza nos por a lubida algún persona of famia, nos ta pidi nos mas sincero disculpa.

Tur su subrinanan, primo (a)nan, cuñanan, compañeranan y compañeronan di Bejaarden Zorg San Nicolas y su personal, tur famianan, conocirnan y bisñanan di Lago Heights ta wordo invita pa asisti na acto di condolencia y entiero dabierna 21 december 2018 pa 4or di atardi na Ad Patres Funeral Home y despues saliendo pa Santana Catolico na San Nicolas. Nos defunto stima lo ta reposa for di 2or di atardi na Ad Patres.

Despues di entiero nos ta lamenta di no por ricibi bishita di condolencia na cas.

Staff y personal di Ad Patres funeral home ta extende nos mas sincero condolencia na famia di e fayecida.  
Condolencia por wordo manda riba nos website:  
 adpatresnv@hotmail.com

**Royal Aurora**  
 Funeral Home & Crematory

"Dios ta amor... y amor ta Dios,  
 maske mi no ta na e mundo aki, tur dia lo mi ta banda  
 di boso Curazon, mi por steuns di loke  
 Señor ta hasi"

Cu hopi tristesa nos ta participa fayecimento inespera di:



**Aura Helena Theysen-Croes**  
 Mihor conoci como 'Lenny'  
 \*03-11-1951 - †16-12-2018

Na number di su:

**Casa:** Humphrey R. Theysen

**Yuunan:** Kenny & Charlotte Theysen-Citroen Rodney Theysen

**Nietonan:** Decklin & Frans

**Rumannan:** Rosa & Henk Zwartele na Hulanda Maria Bernadina (Dientje) na Corsou Lilia & Roger van Geldrop na Hulanda Tanta & omo: Ambrosio (Booshi) Croes & famia Mani v/d Linden y famia

**Cuñá:** Charlene y Esi Croeze-Theysen

**Sobrinonan:** Susan, Nancy, Courtney, Isabel y Melissa

**Amigo(a)nan mas cerca:** Suzy, Yolanda, Milena & Mariela, Diana, Mavis, Edna, Didi & Gregory

**Primo y primanan y demas famia y conoci**

**Coleganan di Kenro Jewelers:** Chela, Aurita, Yolanda, Astrid, Miguelina y Eli

**Amigonan di Classic Car Club Aruba**

**Famia y amigonan:** Croes, Croeze, Agumbero, v/d Linden, Solognier, Citroen, Maduro, Wernet, Noguera, Elmzoon, de Kort, Werleman, Faro

Ta invita pa acto di entiero cu lo tuma lugar na Misa Inmaculada Concepcion na Sta Cruz diahuebs 20 di december 2018 di 9or pa 11or di mainta. Despues lo sali pa Santana Catolico na Sta Cruz.

Condolencia lo tuma lugar na Aurora Funeral Home diaranson 19 di december 2018 di 7or pa 9or di anochi.


Nos excusas si nos a lubida un of mas persona.

**Royal Aurora**  
 Funeral Home & Crematory

"Hesus ta resurekshon i bida,  
 Hesus a bis'e Ami ta resurekshon i bida, esun ku kere den Mi, lo biba asta si e muri"  
 Huan 11:25

Palabra no tin pa describi e bashi cu bo a laga atras, pero bo presencia lo ta semper cu nos!

nos ta participa fayecimento di:



**Jimmy Ruben Webb**  
 Mihor conoci como 'Jimmy'  
 \* 8-03-1962 - † 16-12-2018

Na number di su:

**Esposa:** Sandra Maria Webb Rafael  
**Yuinan:** Jiandro (Dadu) Webb y Stefenie Plaza Lisandro Webb (Gogo) y Wendy Paesch y yuinan † Alexander (Bubu) Webb y yuinan Alejandro (Du) Webb y Jenny Amaya y yuinan Melitsa Webb y Mark Mastenbroek

**Su mama:** Imelda Webb Arends  
**Su tata:** † Valeriano Webb

**Rumannan:**

Emiliano (Emi) Webb y casa Olivia Webb Peña Dionisio (Doty) Webb Benita (Chichi) Webb Juliana (Marietje) Webb Antonette y Eddie Dandlaur Lourdes (Chilette) Webb Theodoro (Nel) Webb Edwin Webb Roland (Lanchi) Webb Edna Webb

**Subrina y Subrinonan:**

Liomara Antonette y famia, Omaira Antonette y famia, Omar Antonette y famia, Jenny Helder Webb y famia, Suzette Webb y famia, Elton Webb y famia, Eldrick Webb y famia, Ranzino Saladin y famia, Alberto Saladin y famia, Leonardo Saladin y famia, Hairo Saladin y famia, Lisette Giron y famia, Lyandra Webb y famia, Lionel Webb, Shahaira Bergtop Webb y famia, Suedy Webb, Rolandette Webb y famia, Roland Webb, Ryan Webb, Rujendrick Webb, Edilienne Webb

**Welanan:** † Rosa Webb † Rosaura Arends

**Welonan:** † Ricardo Webb † Wilmo Arends

**Madrina:** † Eliza Laclé  
**Padrino:** † Jani Laclé

**Tanta y Omonan, Prima y Primonan, Comer y Comper, Amigonan, Bisinja y Conocirnan, famianan na Hulanda**

**Demas famia:** Webb, Arends, Vrolijk, Rafael, Gomez, Antonette, Saladin, Ramos, van der Biezen, Boekhoudt, Tromp, Kelly, Plaza, Lacle, Perez, Giel, de Jong, Nascimento, Peña, Giron, Helder, Meija, Dania, Osuna, Ramos, Courtar, de Cuba, Ridderstaat, Daal, Boekhoudt, Boekhouder, Everon, Lampe, Figaroa, Croes, Piedrahita, Dandlaur, Carrasquero, Rijke, Paesch, Escobar, Brete, Wever, Geerman, Faro, Farro, Heyliger, Jong, Timmerman, Hojer, Amaya, Mastenbroek, Lee, de Palm, Werleman, Abreu, Leon, Arcaya, de Mei, da Silva, Kock.

Disculpá nos, si den tristesa nos por a lubida un of mas famia of persona.

Ta invita pa asisti na e resto mortal cu lo ta reposa na Royal Funeral Home cual lo tuma lugar diasabra 22 december pa 9or te cu 11or di mainta y despues pa santana Catholico St. Anna na Noord.

Nos ta lamenta cu despues di entiero nos no por ricibi bishita di condolencia nas cas.

**FOR ALL YOUR FLYER DISTRIBUTIONS**



Call: 582-7800  
 email: accounting@cspnv.com





**“Bou di alanan di Dios mi ta sigur”  
Abo ku ta biba bou di amparo di Altisimo,  
ta hospedá den sombra di Dios  
Omnipotente, bisa Señor:  
“Mi refugio, mi forti, mi Dios, den kende  
mi ta  
pone mi konfiansa”  
Salmo 91:1-2**

**Cu inmenso tristeza na nos curazon pero  
conforme cu boluntad di nos Señor nos ta  
anuncia e fayecimento di nos difunto  
stima:**



**Raymond Gregory Gomes**

Mihor conoci como ‘Pietje’  
\*02-03-1973 – †12-12-2018

Acto di entierro lo wordo anuncio despues

**Koningin Wilhelmina Fonds**



Fundacion pa preveni y combati cancer

"Directiva di Koningin Wilhelmina Fonds Aruba ta extende su mas sincero palabra di condolencia na sr Humphrey y yiunan Kenneth y Rodney y demas famia cu fayecimento di

**sra Aura Helena  
Theysen-Croes**

Lenny tabata pa directiva di Koningin Wilhelmina Fonds Aruba no solamente un bon amiga pero tambe un bon supporter pa nos fundacion.

Koningin Wilhelmina Fonds Aruba ta desea e famia hopi forza cu e perdida aki y cu Lenny sosega na paz."



Cu profundo tristesa, Directiva y miembronan di Classic Car Club Aruba ta extende nos palabra di condolencia na famia di

**Sra. Aura Helena Theysen-Croes**  
Mihor conosi como Lenny  
Miembro di Classic Car Club Aruba  
Casa di miembro Humphrey Theysen

Cu Papa Dios duna hopi forza y consuelo na tur famia den e dianan dificil aki y cu Lenny por sosega na paz.



**CONDOLENCIA**



Management y personal di Alhambra Casino tin e tristo deber di anuncia fayecimento di:

**Sr. Jimmy Ruben Webb**  
Tata di nos colega di Live Games Department,  
Ms. Melitsa Jamira Webb

Nos mas sincero palabranan di condolencia na famia Webb y demas famia, amigo y conocirnan.  
Hopi forza den e momentonan dificil aki.

Cu "Jimmy" sosega na Paz

**Alhambra**  
CASINO AND SHOPS



*The donkeys have moved to...*

**BRINGAMOS**



**DONKEY SANCTUARY ARUBA**

For directions or information: [www.arubandonkey.org](http://www.arubandonkey.org)  
or call 593 2933



We announce the passing of:



**Dorothy Beatrice Richardson**

Sunrise: St Maarten, December 25, 1933  
Sunset: Aruba, December 13, 2018

Her spirit is whole and singing with the angels.

Loving mother, grandmother, great grandmother, sister, sister in law, aunt, godmother and the best friend one could have.

**Children:**

Hubert and Yasmin Salazar - Sanchez  
Miriam and Emilio Kock - Salazar

**Grandchildren:**

Bryan and Maureen, Emylaine and Elrick, Amy-Jane, Benjamin (B.J.) and Atara, Angelina

**Great Grandchildren:**

Kimberly, Breana, Alysha, Emely, Arviënne, Jaden and Keanu

**Great Great Granddaughter:** Kyley

**Brothers and Sisters:**

Lilian (Rita) & Henny Huurman-Richardson and Family (Holland)  
†Ramon Richardson and Family  
Leopold (Leo) & Helen Richardson-Hoo and Family (U.S.A.)  
Dolores (Lola) & Archangel (Jaño) Boekhout-Richardson and Family (U.S.A.)  
†Rudolph & Aura Richardson-Leo and Family  
†Carmen & †Herman Cohorst-Richardson and Family (Holland)  
esmond & Annette Richardson-Theis and Family (Australia)  
William & Eudosa Richardson-Sarda and Family

Father of her children: †Dalmacio Dominico (Mingo) Salazar

Loved as a daughter: Lisandra Coffie-Arends and Family

Lifetime Friends: Lucrecia Peterson, Rosemarie Slusser, Rofina Bislip, Vera Dash, Pearl Cromarty, Marion Mc Lennon, Rosa Perez, Chichi and Jija Perez,

She was related to: Richardson, van Romondt, de Weever, van Gurp, Salazar, Sanchez, Kock, Brema, Ho-Asjoe, Ruiz, Feldman, Huurman, Hoo, Boekhout, Leo, Cohorst, Theis, Sarda, Maduro, Pablo, Schoppema, Peterson, Gonzalez, Ras, Quijada, Croes, Coffie, Arends, Martinez

A special thanks goes to her priest Stanislaw, Dr. Jillian. J. Jones, her assistant and Dr. Hugo v. Trikt

We apologize if during our grief we forgot to mention anyone.

We hereby invite you to attend condolences on Thursday, December 20<sup>th</sup>, 2018 from 7 P.M. – 9 P.M. at Royal Funeral Home Cumana 44

**Throughout her life she touched many people and we are grateful for all the wonderful friendships.**



Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Cado Wever.

Cu inmenso dolor na nos curason pero conforme cu Dios su boluntad, nos ta anuncia fayecimiento di nos Mama y Ruman stima:



**Nereida Patricia Kelly**

Mihor conoci como 'Dedi'  
\*14-01-1968 †12-12-2018

**Na number di su:**

**Mama:** †Casilda Tromp  
**Tata:** Gregorio (Goi) y Ana Kelly

**Yuinan:**

Geert y Kimberly Vocking y yui na Hulanda  
Nouara Belhadji y Clifton Solognier  
Ayman Kelly

**Rumannan:**

Tino y Mirella Kelly y yuinan na Hulanda  
Elvis Kelly  
Criselda Pinto-Kelly y Ruben Pinto y yuinan  
Gregory Kelly

**Unico Nieta:**

Keyoni Vocking na Hulanda  
**Tanta y Omonan** Eufrasia (Fachi) y Rolando Tromp y yui y famianan

**Parti Mama:**

Rafaela ( Ela) y Donny Geerman y yuinan y famia  
†Juliana (Chichi) y Julian (Joel) Kelly y yiu y famianan

†Panfilio Tromp

†Fransisco Tromp

†Carlos Tromp

†Jacobo Tromp

†Maria Tromp

**Tanta y Omonan**

Maria Velasquez y Casa y yuinan

**Parti Tata:**

Vda. Magdalena Kock y yuinan

Vda. Carmen Tromp y yuinan

†Imelda Kelly y yuinan

†Petra Kelly y yuinan

†Elizabeth Figaroa-Kelly y yuinan

**Subrino y Subrinanan:** Michelle, Melany,

Cheryll and Janella Kelly na Hulanda

Micheal, Lee-Anne and Roxanne Pinto

**Demas primo y primanan stima**

**Madrina:**

Eufrasia (Fachi) Tromp

**Padrino:** May Tromp

**Iha:**

Michael Pinto

**Tata di su yuinan:**

Tom Vocking

**Pareha:**

Nel Ismael

**Amigo y Amiganan di Cas:**

Elvira, Ana, Roque,

Martin, Juancho, Dody y Jaella

**Demas Famianan:**

Kelly, Vocking, Belhadji, Pinto,

Tromp, Geerman, Semeleer, Hoek, Solognier, Van de

Meent, Van Der Biezen, Cardenas, Ismael, Figaroa,

Wolf, Paredes, Kock, Velasquez, Sprock, Conradus,

Victoria


Ta invita pa asisti na condolencia y acto di entierro cu lo tuma lugar diabierna 21 di december 2018 for di 2:00pm pa 4:00pm na misa Sta Anna na Noord. Despues lo sali pa Santana Catolico na Noord. Despues di entierro lo no risibi condolencia na cas.

Disculpa nos si den nos tristesa nos por a lubida algun famia of conocinan.



**"Dios ta amor... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por steuns di loke  
Señor ta hasi"**

**Cu hopi tristesa pero conforme cu papa  
Dios su boluntad nos ta anuncia  
fallecimiento di nos tata welo amigo stima:**



**Tarcisio Benato Geerman**

Mihor conoci como  
Cis , Sixto , 6/2 . Pacis , el curandero

Su yuinan : Linda Geerman

Jaqueline Geerman y Edgar Colina  
Randolph Geerman

Manera yui su nieta su preti wowo : Marisella Semeleer  
y Greg Loopstok

Ruman : Rafael y carmita Geerman

Nietonan : Edwin Vrolijk y Olga

Jean carlos Blanco  
Jeanice Blanco  
Josseline semeleer  
Robertico semeleer , Senjora y famia  
Richinella croes y Nathan thomas  
Christina croes  
Christiaan croes

Bisnietonan: Juri , Alijah, Aiden, Jaykeon, Jayveon,  
Jayzion, Rayenne, D- shean

Sobrino : Guillermo Geerman y famia

Sobrino : Omaira y Rudy webb y famia

Ex esposa mama di su yui mujernan : Thelma henriquez

Mama di su yui homber : Maximina Werleman ( q.e.p.d)

Primo y prima nan comer y compernan , amiganan ,  
amiganan , clientenan di remedinan di tera y tur  
conocirnan

Ex colega nan di Brenchies

Colegnan di DOW

Famianan : Geerman , vrolijk , semeleer , croes ,  
henriquez , werleman , ridderstap , loopstok , colina ,  
thomas , blanco  
Tur famia na Aruba y hulanda

Condolencia lo wordo tuma diaranson 19 dec 2018 na  
Royal funeral home 7:00 pm / 9:00 pm  
diahuebs 20 dec acto di despedida di 2:00 pm / 4:00 pm  
despues lo sigui e acto di cremation.

Ta disculpa cu den nos tristesa nos por a lubida un of  
otro familiar of conoci .

Nos ta disculpa cu despues di despedida nos no lo por  
accepta bishita na cas .



Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 19 Dec 2018 Anochi

<b>CATOCCHI</b>
Sorteo # 6663
8470
7407
1541
<b>BIG 4</b>
Sorteo # 5707
9568
<b>10FF</b>
Sorteo # 412
8627
<b>ZODIAC</b>
Sorteo # 4466
6866
Piscis
<b>KORSOU</b>
Sorteo # 2271
0307
1471
6040

<b>LOTTO 5</b>	01 07 08 29 30
Sorteo #	Joker 04 Letter D
0 x Jackpot	
0 x Match 4+	AFL. 110.000,-
0 x Match 4	
0 x Afl. 12,00	

<b>LOTTO IN DIA</b>	01 02 03 04 12
Sorteo #	Proximo Jackpot
0 x Jackpot	AFL. 50.000,-
0 x Match 4	
0 x Afl. 8,00	

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl. 15,00	270.000,-

<b>MINI MEGA PLUS</b>	Afl. 770.000,-
-----------------------	----------------

Bo cadena di number di suerte ta presenta resultado di awe

**DIARIO** 2800-7977-2506

**SUPER 4** 7659

**FLAMINGO** 4415-6315-7339



Paardenbaastraat 10, Oranjestad, Aruba Tel.: (297) 525 - 7555  
www.lottoaruba.com  
Resultado di Sorteo 19 Dec 2018 Merdia

<b>CATOCCHI</b>
Sorteo # 2426
4347
0397
1725
<b>BIG 4</b>
Sorteo # 2426
2007
<b>10FF</b>
Sorteo # 482
8720
<b>ZODIAC</b>
Sorteo # 2426
8606
Leo

<b>LOTTO 5</b>	
Sorteo #	Joker Letter
0 x Jackpot	
0 x Match 4+	100.000,-
0 x Match 4	
0 x Afl. 12,00	

<b>LOTTO IN DIA</b>	
Sorteo #	Proximo Jackpot
0 x Jackpot	73.000,-
0 x Match 4	
0 x Afl. 8,00	

<b>MINI MEGA</b>	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl. 15,00	270.000,-

<b>MINI MEGA PLUS</b>	Afl. 770.000,-
-----------------------	----------------



**Aries**

Lo bay tin situacionnan cu lo laga bo reflexiona hopi. Si bo propone bo mes pa bay dilanti cu bo bida, y haci di bo oranan algo bunita y creativo. Numbernan pa awe: 16, 23, 33 y 41.



**Tauro**

Lo bo bay resolve satisfactoriamente un problema sentimental. Bo presencia lo tin impacto riba tur hende y lo bo haya loke tabata parece poco probabel. Confia bo sentimentonan. Numbernan pa awe: 3, 14, 25 y 35.



**Geminis**

Un encuentro inespera lo trece dicha na bo bida. Temponan ta cambia y abo, como parti di e cambio aki, bo tin cu bay adapta bo mes tur dia pa nan no gara bo di sorpresa. Numbernan pa awe: 9, 18, 34 y 44.



**Cancer**

Bo perspectivanan di realidad ta cambia y ta beneficia bo considerablemente. Esaki ta un dia cu tur cos por sosode no solamente lo cambia, sino lo beneficia bo. Numbernan pa awe: 5, 28, 32 y 41.



**Leo**

Luna ta drenta den bo signo, tuma loke lo sosode cu bo den un forma positivo. E experiencianan cu tabata recientemente den bo bida personal lo yuda bo hopi. Numbernan pa awe: 2, 28, 37 y 51.



**Virgo**

Esaki ta un comienso di siman cu hopi bon expectativa. Lo bay tin e ocasion di caba cu un asunto cu no tabata cumbini bo. Sin embargo, bo ta algo preocupa. Numbernan p'awe: 6, 16, 40 y 49.



**Libra**

Ta sosode situacionnan cu ta trece alegria. Riba plan sentimental, ta acercando proposicionnan cu ta pone bo pensa, si bo ta soltero y bo a cuminsa sali cu un hende. Numbernan pa awe: 5, 27, 33 y 41.



**Scorpio**

Bo ta bin cu ideanan cu lo maraviya tur hende pa bo balentia. No tene miedo di e iniciativanan aki ya cu ora bo ta logra loke bo kier ora bo pone nan funciona. Numbernan pa awe: 6, 11, 25 y 36.



**Sagittario**

Esaki lo ta un dia di accion hopi significativo. No solamente e lo implica un actitud diferente na loke ta rond di bo, sino lo pone bo riba un caminda nobo. Numbernan pa awe: 2, 12, 29 y 36.



**Capricornio**

Un sospecha por aleva bo for di felicidad. Ora cu yega na bo horeanan e versionnan exagera di hendenan for di control y emocionalmente instabil, play sordo. Numbernan pa awe: 27, 33, 41 y 48.



**Aquario**

Luna ta den bo signo opuesto. Bo mente ta claria y bo ta compronde hopi cos. Bo ta hopi cla y intuitivo y loke bo tabata tin ta pasando, ta riba un di dos plan. Numbernan pa awe: 6, 14, 22 y 36.



**Pisces**

Bo ta tuma control di bo bida sentimental. Bo ta bon auspica y no lo ta facil pone bo mes memey di situacionnan bergonsoso. Numbernan pa awe: 1, 3, 17 y 18.



**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelndstraat 15 Aruba  
297-583-1016  
297-583-6607

**Fundacion Hende**

**Muhe den dificultad**  
Tel: 583-5400

**Fundacion Autismo**  
**Aruba**

Irenestraat 21 Aruba  
297-588-1179

**Fundacion Pa Nos**  
**Muchanan**

Cumana 2 Aruba  
297-583-4247

**Fundacion Tel Pa**  
**Hubentud**

Wilhelminastraat 19  
Aruba  
297-588-6138

**Koningin Wilhelmina**  
**Fonds**

Spinozastraat 9 Aruba  
297-582-0412

**Mary Joan Foundation**

Sabana Blanco 8 Aruba  
297-588-9999

**Ned Rode Kruis**

Perdo Gallegostraat 14  
Aruba  
297-588-3376

**Famia Planea (SBVO)**

Avenida Milio J Croes 17  
B Aruba  
297-588-9591

www.famiaplanea.org  
famiaplanea@hotmail.com

**Stichting Fundacion**  
**Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)  
Tel: 736-2952 or  
593-7081

**A1 Taxi Services Aruba**

Italiestraat 50 lokaal 7  
Tel: 587-8850

Tel: 280-2828

Whatsapp: 592-7024

E-mail: a1taxiservices.  
aruba@hotmail.com

**Mobility Equipment**  
**Hire**

Tel: 568 5165

**Dokter na warda**



**Oranjestad**

Dr. v. Trigt  
Tel. 582 2991

**San Nicolas**

**Botica na warda**

**Oranjestad:**

Eagle  
Tel. 587 9011

**San Nicolas**

San Lucas  
Tel. 584 5119

**SERVICIO DI TAXI**

Aruba Transfer Tour & Taxi C.A.

Pos Abao #41  
P.O.Box 723 Aruba  
Tel: 582-2116 / 582-2010  
Fax: 583-6988  
Taxi Adres Service (24h)  
L.G. Smith Blvd. #234  
Oranjestad Aruba  
Tel: 587-5900  
Fax: 587-1928  
E-Mail: tas@setarnet.aw



*Schedule december 2018*

			ARR	DEPT	BERTH
MON	17	CARNIVAL SUNSHINE	13.00	22.00	C
TUE	18	MARELLA EXPLORER	08.00	23.00	C
WED	19	MEIN SCHIFF 5	07.30	19.00	C
		FREEWINDS	06.00	****	E
THU	20	CARNIVAL HORIZON	08:00	16:00	C
FRI	21	FREEWINDS - DEPT.	****	23.15	E
SAT	22	VOLENDAM	08.00	17.00	C
SUN	23	ZUIDERDAM	07.00	17.00	C
MON	24	FREEWINDS	06.00	****	E
TUE	25	NAVIGATOR OF THE SEAS	08.00	23.59	C

**EMERGENCIA**

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

**UTILIDAD**

Setar	117
Web	525-4600
Elmar	523-7147

**FUNERARIA**

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

**Centrale Bank van Aruba**  
Daily Exchange Rates - 12/19/2018



CENTRALE BANK VAN ARUBA

Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG <sup>4</sup>	-	-	100.00
USD	1.77	1.78	1.80
CAD	1.30	1.32	1.34
CHF	179.07	179.79	180.59
GBP	2.18	2.23	2.29
JPY	157.09	158.52	160.11
EUR	201.23	203.07	205.11
DKK	26.21	26.93	27.73
NOK	19.44	20.16	20.96
SEK	18.65	19.37	20.17

For amounts up to Afl. 100,000

## Pronostico di Tempo



### Tempo:

Parcialmente te brevemente hopi nubia cu chens pa localmente un awasero pasahero. Temperatura maximo 30 grado Celsius y temperatura minimo 25 grado Celsius. Solo lo baha awe nochi 06:19pm y lo sali mañan mainta 06:56am.

### Biento:

Modera te basta fuerte for di generalmente direccion oost; Forsa 4 te 5 (20 te 39 km/ora, 11 te 21 nudo) Den dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo).

### Situacion general di tempo:

Den proximo 24 ora extension di un area di presion halto riba Atlantico lo domina weer den region local, strobando formacion di nubianan significante. Den oranan di marduga y mainta trempa, nubianan por aumenta un rato, pero no ta spera yobida di importancia.

### Condicion di lama:

Olanan di lama lo ta for di direccion oost cu altura di 4 te localmente 7 pia, cu e olanan di mas halto na costanan oost te noordwest di e isla. Ta pidi ocupantenan di boto chikito pa procede cu cautela riba lama habri, ya cu localmente lama por ta relativamente bruto debi na e biento duro.

## Departamento di Aduana Aruba:

### Informacion pa biahero over di importacion di carni

**ORANJESTAD – Carni, of productonan cu ta contene carni, por wordo importa solamente for di matadero aproba di Merca of Europa. E restriccion aki ta conta tambe pa importacion di carni of productonan traha di carni, cu excepcion di esunnan cu a wordo aproba door di Veterinaire Dienst Aruba.**

Mas informacion over di e ley yama: 'Slacht en Keuringsverordening' por lesa riba nos website [www.douane.aw](http://www.douane.aw)



Departamento di Aduana Aruba ta informa tambe cu e productonan manera ayaca y pan de jamon, cu ta wordo hopi importa di Sur America den e temporada di fiesta, tampoco mag di wordo importa. Den caso cu Aduana constata e productonan aki, lo confisca esakinan y entrega nan na Veterinaire Dienst Aruba, cu lo destrui e mercancia.

## Departamento di Salud Publico ta informa:

### Accion di vacunacion contra Influenza

**ORANJESTAD – Desde dialuna dia 17 di december ultimo, e vacuna contra Influenza pa temporada 2018/2019 ta disponibel na seccion di Malesanan Infecioso di Departamento di Salud Publico.**



Mañan, diahuebs dia 20 di december, lo bay tin un accion di vacunacion solamente pa e grupo di riesgo, cu lo tuma luga na ImSan for di 9:00-11:00 di mainta. Personanan riba 60 aña mester bin solamente cu nan carnet di AZV valido, y e grupo di riesgo bou 60 aña mester bin cu nan carnet AZV valido y un receipt di dokter.

Pa personanan cu no por cana bon, nos seccion lo duna e servicio di vacunacion den auto. Riba e dia aki y na e localidad aki, lo no ta posibel pa cumpra vacuna. Vacuna por wordo cumpra solamente na Departamento di Salud Pu-

blico di dialuna pa diabierna for di 7:45-11:45 y di 1:15-3:30.

Pa mas informacion por tuma contacto cu Departamento di Salud Publico na 522-4200.

Pa personanan cu no por cana

## Directie Natuur en Milieu cera pa publico durante dianan di fiesta

**ORANJESTAD - Den cuadro di e dianan di celebracion di Pasco di nacimiento y fin di aña, DNM su oficina na Bernhardstraat #75, San Nicolas lo ta cera pa publico desde dialuna 24 di december 2018 te cu diaranson 2 di januari 2019. DNM ta reanuda su servicio diahuebs 3 di januari 2019.**

por haci esaki via Infraruba.com

Alabes DNM kier a desea un y tur feliz dianan di fiesta. Nos ta na porta di fin di aña 2018. Ta tempo pa inventarisa nos obranan di e tempo tras di lomba. Ban para keto pa wak di distancia tur bondad cu nos a ricibi. Cu e aña 2019 cu ta drelando ta uno miho cu esun cu a transcuri. P'esey nos ta pone nos bida den man di Dios y cu fe y oracion nos por logra nos propositonan. Ta sincero deseo di staf y personal di Directie Natuur en Milieu.

Ta recorda un y tur cu pa cualkier eventualidad por manda nos un message via nos plataforma di Facebook messenger of Instagram dnmaruba. Pa cualkier melding di naturalesa y medio ambiente



**BONDIA**  
ARUBA

**Pa AVISO den nos Corant**  
[aviso@bondia.com](mailto:aviso@bondia.com)

**Caribbean Cinemas**  
The only theater in Aruba with all stadium seating!  
[caribbeancinemas.com](http://caribbeancinemas.com) | Caribbean Cinemas Aruba

**MEGAPLEX 8**

**DECEMBER 20 - 26**

**BOLSHOI BALLET THE NUTCRACKER**  
SUNDAY DEC, 23: 1:00PM

**THE MAGIC FLUTE** SATURDAY  
The Metropolitan Opera DEC, 22: 1:00PM

**NEW THIS WEEK!**

	<b>BUMBLEBEE</b> MON-THU 4:20   6:50   9:20 FRI 4:20   6:50   9:20   11:50 SAT 1:50   4:20   6:50   9:20   11:50 SUN 1:50   4:20   6:50   9:20 CXC MON-FRI 6:40 SAT-SUN 1:20   6:40
	<b>SECOND ACT</b> MON-THU 4:20   7:10   9:30 FRI 4:20   7:10   9:30   11:50 SAT 2:30   4:20   7:10   9:30   11:50 SUN 2:30   4:20   7:10   9:30
	<b>AQUAMAN</b> WITH SPANISH SUBTITLES [PG-13] MON-THU & SUN 4:55   7:50 FRI-SAT 4:55   7:50   10:45 CXC MON-SUN 3:45   9:05
	<b>RALPH BREAKS THE INTERNET</b> WITH SPANISH SUBTITLES [PG] MON-FRI 5:05 SAT-SUN 2:40   5:05
	<b>SPIDER-MAN</b> WITH SPANISH SUBTITLES [PG] MON-FRI 4:10 SAT-SUN 1:40   4:10
	<b>CREED 2</b> WITH SPANISH SUBTITLES [PG-13] MON-SUN 6:40   9:20
	<b>THE GRINCH</b> WITH SPANISH SUBTITLES [PG] SAT-SUN 1:00   3:55

OPENING NEX WEEK: WELCOME TO MARWEN

Palm Beach Plaza Aruba | 586.0074 | THE MAGIC OF THE MOVIES ON YOUR MOBILE DEVICE

Download on the App Store | GET IT ON Google Play

## Reforma fiscal y impuesto riba vehiculo di motor den Parlamento



**ORANJESTAD – Diamars ultimo, parlamento a ricibi dos ley: reforma fiscal y impuesto riba vehiculo di motor.**

Lider di fraccion di MEP, Rocco Tjon a declara na Bon Dia Aruba cu nan a sostene un reunion den comision central. Den e reunion aki nan a dicidi cu te ayera merdia, nan tabatin pa entrega pregunta; y despues nan lo fiha un fecha pa e reunion cu

lo ta entre awe y mañan ya cu nan lo bay cu reces diabierna awor.

E ley di reforma fiscal, pero tambe di impuesto riba vehiculo di motor cu mester wordo trata y aproba prome cu diabierna pa asina e por drenta na vigor entrante 1 di januari venidero. E no ta haya cu esun di reforma fiscal lo exige hopi tempo di parlamento pa su tratamiento. El a splica cu e prome fase di e reforma aki

ta bin cu cambionan ‘chikito’ of adaptacion riba diferente ley existente manera loonbelasting, inkomstenbelasting y grondbelasting.

E obhetivo ta cu pa diabierna nan mester a wordo trata y aproba ambos ley. Obviamente fraccion di MEP cu ta sostene gobierno lo urgi y haci peticion pa e reforma fiscal lo wordo trata e aña aki ainda.

## Directie Natuur en Milieu ta informa riba kico ta cambio di clima

**ORANJESTAD - Directie Natuur en Milieu kier informa mas tocante e nificacion di cambio di clima; con esaki ta tuma luga, kico ta e consecuencianan y kico nos por haci na Aruba pa aporta na un reduccion di e efectonan di e fenomeno aki.**

E terminologia cu ta uza, manera Carbon dioxide, fossil fuel, methane, nitrous oxide halocarbons (CTC's, HFC's, PFC's), Sulphur hexafluoride, hopi biaha ta confundi hende, pero nan ta referi na e fenomeno mas tanto papia di dje rond mundo, cu ta cambio di clima.

Carbon dioxide ta keda produci ora uza fossil fuel pa genera energia y ora corta, rosa, kima y elimina gran cantidad di area (mondinan). Actividadnan humano tambe ta contribui na cambio di clima door di laga atras greenhouse gases (gasnan cu ta wanta calor di solo y ta causa un aumento di temperatura) den atmosfera. Otro actividad cu ta contribui na e fenomeno aki ta agricultura. Methane ta produci nitrous oxide den cantidad grandi, y esaki ta keda emiti ora, por ehempel, ta uza fertilisante. Cria di bestia ta produci 37% y 65% di e emision di methane y nitrous oxide, respectivamente. Aunke cu carbon dioxide ta e gas cu ta mas mal mira rond di mundo como e gas cu mas ta aporta na cambio di clima, e dos tipo di gas aki ta 30 biaha mas potente y daniño cu carbon dioxide. Cambio di clima ta afectando e produccion di cuminda y e impacto lo ta devastador den futuro. Cambio di clima ta trece cune periodonan extremo, por ehempel, periodo di segura cu lo aumenta, como tambe temporada di horcan cu lo bira mas y mas potente. Temperatura mas halto lo causa cu den e areanan unda poco awasero ta cay, lo bira mas dificil pa cria bestia y/of planta.

E datonan di United Nations ta sugeri cu mundialmente, mester reduci pa aña 2050, 80% di e emision di gasnan di invernadero den paisnan desaroya, p'asina por keda bou di e averahe stipula di un aumento di temperatura cu 2 grado Celsius.

Halocarbons ta kimiconan artificial y e otro cu ta contene sulphur, cu ta keda emiti door di proceso industrial. E cambio di clima lo tin un impacto riba e medio ambiente globalmente, incluyendo Aruba. En general, mas lihe e cambio di clima, mas halto e riesgo pa sufri dañonan. E cambio di nivel di lama ta proyecta di subi entre 9 pa 88cm pa aña 2100, causando inundacion den areanan abou. Tin temporada cu e temperatura lo subi mas cu nos ta custumbra, y lo tin riesgo mas halto di horcan y di mal tempo. E efectonan na caminda pa Aruba, cu awor caba ya nos ta experencia, ta inundacionnan. Esaki lo aumenta, si nos no haci nada cu e fluho di awa. Mal tempo, olanan tropical y e frecuencia, como tambe e magnitud di horcan lo aumenta. Consecuencia di esaki ta cu Aruba lo core mas riesgo, particularmente na unda a construi riba beach of na unda a kita matanan di mangel pa desaroya tereno. Temperatura lo subi y na unda tin mas construcion esaki lo aumenta mas cu na unda tin vegetacion.

Kico nos por haci localmente pa contribui na un reduccion di e cambio di clima:

- Spaar energia door di uza luz y aparatonan cu no ta uza hopi electricidad.
- Core auto cu ta uza menos gasolin (promove carpool).
- Come menos carni y mas berdura.
- Conserva mata local den bo cura, planta mata rond di cas.
- Refleha riba bo uzo di electricidad y reta bo mes pa reduci bo footprint pa e aña venidero.

Lo ta un bon idea pa calcula bo carbon footprint. Nos ta sugeri pa laga midi esaki pa medio di e carbonfootprint calculator. Adhunto por haya e link: <https://footprint.wwf.org.uk/>. Tambe e pagina ta duna algun tips con pa yuda reduci bo carbon footprint <https://footprint.wwf.org.uk/tips>

Directie Natuur en Milieu kier haci un yamada di urgencia pa nos como humanidad considera y haci cambionan necesario pa contribui menos na cambio climatico. No ta importa con chikito nos Aruba ta, pero si cada un di nos haci algo, lo contribui grandemente na e reduccion.



## Fundacion Rancho a duna contenido y balor na Dia Internacional di Migrante

**ORANJESTAD –** Diamars ultimo a wordo conmemora Dia Internacional di Migrante. Un fecha cu Asamblea General di Nacionnan Uni (ONU) a inclui den su kalender internacional for di aña 2000, teniendo na cuenta cu e cantidad di migrante cada aña ta aumenta.

E ta un fecha di reflexion pa asina comunidad internacional sea mas consciente pa introduci medida efectivo pa protege e derechonan humano di tur migrante. Durante e aña aki, alrededor di 3,400 migrantenan y refugiadonan a perde nan bida. Pa e motibo aki, ONU a dicidi cu Dia Internacional di Migrante 2018 su tema ta: "Migracion cu dignidad".

Considerando cu Aruba ta un isla cu historicamente a ricibi

e presencia di migrantenan di tur parti di mundo, Fundacion Rancho a bin cu un agenda di cinco dia di actividadnan pa duna contenido na e fecha special. Sinembargo e presencia publico ta masha pover mes.

Dialuna atardi a tuma luga un caminata cultural, y te hasta pedagogico di inclusion den e barrio historico di Rancho. Diamars anochi den cuadro di clausura di Dia Internacional di Migrante, fundacion Rancho a bin cu un celebracion na Plasa di Rancho Visstraat/John G. Emanstraat 9. Dj Caletto hunto cu e polifacetico docente Roland Tromp a percura pa e ambiente musical ta bon anima cu musica Caribeño. Tambe tabatin benta di variedad di producto riba caya y cuminda Caribeño.



**amc unicon**

pa biba mihor

# Campana di Fin di aña!

Cu cada compra di 25 florin of mas bo ta hãya ticket pa bo participa pa gana hopi premio great pa aña nobo!

## SHOPPING NIGHT HENTER SIMAN! TE CU 8'OR!

**Whirlpool** 20" STOVE, 4 SEALED BURNERS, MANUAL IGNITION, LARGE OVEN WINDOW, BLACK

**SPECIAL CASH 459**

**SPECIAL**

**INSTANT CREDIT!**

**Whirlpool**

**SPECIAL**

**CREDIT 76**

**SPECIAL WAS 999 899**

30" STOVE, 6 SEALED BURNERS, SS COOKTOP, ELECTRONIC IGNITION, 1 OVEN RACK, OVEN LIGHT, WHITE

**SPECIAL**

**mabe**

**CREDIT 76**

**CASH 899**

10 CFT. FRIDGE, WHITE

**0% DOWN PAYMENT**

**GREE**

	CASH	PA LUNA
18.000 BTU	Afl. 1595	Afl. 136
24.000 BTU	Afl. 1755	Afl. 149

SIN INSTALACION!

**GREE U-CROWN SERIES** air conditioners

	CASH	PA LUNA
9000 BTU	Afl. 1575	Afl. 134
12.000 BTU	Afl. 1615	Afl. 137
18.000 BTU	Afl. 1995	Afl. 170

SIN INSTALACION!

**Whirlpool**

**CREDIT 93**

**CASH 1099**

SILVER, 9 CFT. FRIDGE

**Whirlpool**

**CREDIT 107**

**CASH 1259**

7.0 CFT. GAS DRYER, 14 CYCLES, 4 TEMP, AUTODRY SYSTEM, WRINKLE SHIELD, END OF CYCLE SIGNAL, WHITE

**Whirlpool**

**CREDIT 85**

**CASH 999**

3.5 CFT. TOPLOAD WASHER, 9 CYCLES, HIGH EFFICIENCY, AUTO WASH LEVEL, PORCELAIN TUB, WHITE

**Panasonic** INVERTER WASHER

**CREDIT 119**

**SPECIAL WAS 1699 1399**

**CREDITO TE CU 24 LUNA**

**SPECIAL**

Pa Credit bin cu ID Valido, 2 ultimo poystip, recibo di Elmar, Setar y WEB. Credit Pijis ta basa riba credito di 24 luna despues di 10% downpayment. \* Tanten cu tin den stock.